

半行庵詩存彙

半行庵詩存彙卷三

吳縣貝青喬子木

將之黔南留別

浪游我輒浩然往此別無端有泪痕枕上關山慈母夢篋中裘葛故人恩路窮楚徼灘聲轉天壓蠻荒瘴氣昏倘拾詩材壯行橐差強枯槁臥蓬門

吹簫難憶十年事負米俄成萬里身滾滾滄流催客去茫茫世態向誰真久拚溫飽違初志終怪風霜鍊此人道出湘中騷怨地轉須呵壁問靈均

支硎山展墓

三尺掩荒荆。孤兒忍淚行。飄蓬無定跡。宰木有悲聲。岵望
嗟予季。廬居負此生。天涯新麥飯。悽絕幾清明。

程沂海
借戈丈載顧文彬 詹文照
餞別虎邱舟次

吟侶競驪唱。勝踐當良辰。招邀開祖帳。向臆投芳津。香霧
花兩岸。歌雲船四鄰。華月落波際。搖漾翻金鱗。流媚滿燈
市。上下輝濃春。歡悰雜離緒。九轉腸中輪。罷筵益繾綣。移
槳重逡巡。珍此闌夜飲。遑恤紅顏與觴行。不成醉隅向獨
何陳。明年見秋月。知我思吳莼。

中秋後二夜登舟作

風笛聲聲咽。去津況堪搖。落此蕭辰瀕。行轉怕人言。別爍

醉還嫌酒不醇望裏爭看帆似葉睡餘孤對月如銀歸期
祇訂三年約寄語義和快駕輪

舟過黃天蕩感韓蘄王事

羯虜十萬兵背崖八千騎截以鐵綆船踏諸金山寺是時
烏珠太子早喪氣會戰會議窮無計直須還我四京復我
二帝始放歸途留一地不然相持此水濱一旅雖弱能支
振岸兵分七覆海艦張兩甄淮西河北豈無人中興十將
或齊至要使拐子萬馬洪流墜此是南朝大轉局臣姪何
如婢妾辱後房第六梁夫人桴鼓猶知佐戎纛江濤底事
常含恨偏有閩人拯其困青龍鎮上捲甲來老鸛河頭鑿

垓遁四十八日功未成一敗亦使神鬼驚豈期強胡駕潮
至無人守土當鋒攫天塹如此不乘險更從何處憑孤城
所惜英風不可再江防堅壁恆頽傾古今一轍有同慨誰
實坐致邊烽生吁嗟乎媼相揖盜來神兵見敵走祇辦輸
金繒中原罄所有獨不見夫長腳婦長舌議和策自柳林
決又不見鑄鐵錯馳金牌諸君未飲黃龍杯

二道口作

登艦十日出京口惱殺石尤風阻行去水將愁同浩蕩亂
山如夢不分明秣陵秋捲千帆色博望潮喧五夜聲涼鷺
飛來吾媿汝萍天葦地負前盟

采石

南朝重鎮一巨石卽今寥落蒼烟橫閒門月出醉漁子古
戍日高眠老兵疾帆飛渡曹武惠短袴躍起常開平羣雄
浪捲去無跡風打荻花秋亂鳴

東西二梁山

兩厓夾江起對峙竦雲木岷江萬里流奔騰此一東濤頭
不肯降終古莽衝剝餘怒復東走魚龍浩相逐我舟駕潮
上闌入一帆速箭激防巉磯輪旋避回湫舵尾雪山高倒
影浴紅旭霞綺溼不收下巨海門綠遠勢延濡須近岸抗
姑孰南北天所限六代互蠻觸高築卻月城雌雄究誰屬

幾輩錦袍人弔古
爵芳醪嚴飈撼蔣
酸霜警鴈鶩朗吟
度天門朝烟淨如沐

蕪湖夜泊

道出鳩茲市輕帆帶暝收
星飛雲送響城動岸隨流
銀箭三更靜銅琶一曲秋
燃犀誰復照鬼怪爾何愁

皖城登大觀亭同程生

游

楚岸挾頽浪奔落皖江口
雄鎮當折流雉堞枕岡阜
闕處莽飛動有亭翼林藪
風霆轟入簷雪濤馳滿牖
龍山青後擁潛水白旁紐
偉哉此巨觀倚欄爲之久
樓上黃鶴空閣中粉蝶朽
睥睨宙合間勝跡亦難壽
俯睨塵一區鱗浪萬

瓦走舟市水中央陸海城左右羣開蹂貝宮聲雜江龍吼
誰知冷雲上有客負吟手潘閔壁題詩羅隱船載酒惟此
差快心情被前人有討秋慘無憚阻風兀相守何當三日
留英鰲作重九

余忠宣公墓

國步倉黃至正時龍舒重鎮費支持曾無殘卒去降虜却
有老臣來守祠半壁江淮餘片土四山風雨蕭靈旗墓門
咫尺清池在慘挈全家共涕洟

小孤山

潯陽九派何洶洶羣山夾之奔向東洪流到此忽分劈一

柱突起竈置宮蒼厓千丈勢絕陡迅復盤渦遠而走削黛
岩亭一翠螺倒影飛來落鷁首大孤彭浪相崔巍終古離
立銀濤堆我初見之騖然喜柁樓呼酒傾百杯是時金烏
正西匿烟渚浩漉半江黑直疑天外青芙蓉隨風吹墮馮
夷國不然湘妃漢女浚波來掉頭遺卻金鳳釵雲鬟霧鬢
對明鏡皓月光射神宮開鐵綆從誰共攀陟酒盡悲來意
無極此間形勢東南無遙帶皖水襟彭湖山旣爭奇據堙
塹天特設險臨荆吳二梁雙闕下游峙上游鎖鑰賴有此
信是海門第一關何人鎮作中流砥君不見有明倭寇兵
塵流補牢事後恆防秋金焦兩點尙堪恃況此雄踞當神

州滿目江山盡如故伊誰籌海開邊樓

黃州舟夜

拂與帆檣卸近津山闌沙灘步逡巡武昌樹遠天垂幙彭蠡潮來浪捲銀從古英雄皆逝水卽今風月尙娛人依然一覺坡仙夢鶴翅橫江大似輪

晴川閣寫望

江流浩無涯山色雄不變佳哉沔口城神皋控寓縣西上距荆襄北走踰梁汴趨塗此淹留尋勝快游衍高閣臨翼際丹雘煥新繕雕甍切雲翔綺栱映霞綢對挹潯秋旁飛漢江練蜃氣晴互空蠟房秋滿旬穹宇縱壯觀都會最

雄擅魯陸昔臨鎮孫曹迭鏖戰三國數高躅百代極英選
樓船東雕旗鎖穴沈鐵鍊世祀忽參差故林賸蔥蒨夜靜
烏鵲飛晝暄魚米賤流玩古今間憑欄寄遐眎

鸚鵡洲懷古

鼓吏抑何傲丞相不敢瞋士生處亂世嫚罵須擇人區區
一豎子乃足殺其身埋骨荒渚上芳草淒不春狂名滿千
載賤子尤悲辛知已有北海可敘平生親何必懷中刺到
處投無因

武昌曉發

露白葭蒼際江清漢廣間風帆斜掠岸水枕遠移山浪靜

羣鷗下天高獨鶴還儘教殘夢穩同趣我何慳

嘉魚縣赤壁

當塗此龍戰一炬陣雲昏故壘今何在寒濤古共奔誤因
蘇子賦爭若謝公墩聽到南飛鵲無依斷客魂

岳州

日落巴陵道客行何所之一帆收港處萬樹著霜時丹水
梅仙井神鴉柳毅祠數聲湖上起誰弄玉參差

岳陽樓

昔聞杜陵老揮涕此登樓戎馬今初息關山我亦愁湖搖
全楚動天接百蠻浮涉險來何事孤舟不可留

渡洞庭湖

巨浸日中海揚帆快乍臨魚龍忽滿眼憂樂豈無心夢澤
合秋漲君山沈夕陰此間通地穴鄉國願追尋

青草湖口寫望

轉柁流花口風吹入渺茫迢迢江鴈遠漠漠楚天長山氣
收殘雨湖光亂夕陽無言看漁父鼓柁下瀟湘

黃陵廟

帝子千秋淚騷人一曲歌蒼梧望不極澧浦恨如何落日
下芳杜寒霜侵女蘿嬋娟尚可接弭節向雲阿

枉渚夜泊與吳

瑞生質生

昆季談次成詩

香草天涯夢孤燈野岸舟衙官騷一部詞客淚千秋哺醢
添新恨文章抱古愁九疑青在望終惜阻湘流

武陵謁劉賓客祠

永貞嚴譴下江津才士由來易誤身八友朝權新進局三
唐詩律中興人竹枝蠻女傳遺曲桃樹仙宮鎖古春合與
羅池柳侯廟遐荒宦蹟共嶙峋

自臨沅入山

匝匝綠蘿叢彎環去路中上灘牽遠紵入坎走孤蓬農父
好舫廟元君茉莉宮殊方看節物幾許與華同

秦人洞

半行庵詩存彙

卷三

七

漁郎一樣棹尋契滿寰區此地孰從得外人相與俱詩壇
唐競詠畫院宋成圖親問黃耆樂桃花半點無

靖節先生祠

昔過柴桑里今來沅水潯未經窺菊徑却爲訪桃林甲子
編新句羲皇抱遠心此中微旨在一記漫推尋

穿石

自入武陵境進艇萬峯奧雙峯高刺天衆中尤兀界一峯
洞其腹開豁若圓盤光明徹中邊隔洞見羣峭一峯稍離
立旁侍互相繚下臨千仞淵循麓足難蹈幸茲鑽穴開鄰
壁暗通照幽竇作衝衢出入馳驛報緬維漢張騫鑿孔達

西隄何如天構工破此渾沌竅我欲叩其肩怯彼路斷魘
迴眠日平林石縫鬼驚嘯

壺頭山謁馬伏波祠

二十八將雲臺中銅柱獨標將軍功千八百年武溪上銅
鼓獨賽將軍象將軍不恃椒房親况肯鄉里稱善人生據
馬鞍死馬革自有浩氣蟠星辰所惜遭逢銅馬帝長者家
兒隱相忌明珠薏苡無時無千古埋冤在此地此地灘聲
日夜譁蠻烟瘴雨重重遮羣山聚若君前米過客棲如井
底蛙卽今外夷紛蠢動時艱倍想神威勇安得重生矍鑠
翁南平賂越西燒種我或前身爰寄生曾從東海請長纓

攜來鐵笛懸崖上吹與將軍帶淚聽

清浪灘

朝臥浪打蓬驚起夢猶顫舟子飢呌呼云抵三石礮巉石
塞當流碎曾激成漩水亦不相讓怒與石稜戰一舟水石
間顛簸孰從援雷洄與電洲左右蟠鐵鍊篙師引之上曲
折隨匹練逾時入槳飛汭出浪花面卻恃亂峯腰百夫走
一縉餘聲耳尙聾來境目皆眩迴看放溜船去若脫弦箭

機巖仙人屋

我昔海上游蓬瀛杳莫覩謁來泝五溪乃見羣真府峭壁
臨急湍洗刷無寸土巔頂撐青空去天纔尺五腰際結危

厂仰賜若軒廡鼎鑪機杼外有船覆如金梯綆雖雨窮仙
蛻了可數安期及羨門檜巢時處處豈伊青城居鷲維莫
堪伍雲中挈雞犬避此蠻洞古遐舉亦何樂槁形得無苦
侈心庶一戢秦皇與漢武

激浦夜泊

寒峽若家弄循行深夜深情兼飢狄苦詩和老龍吟小艇
迎灘響羣山壓夢沈推蓬看天宇井底見橫參

辰溪

取程山水窟小邑此尤佳石鱗嵌成市灘流喧滿街淘沙
金出礦放溜木編簞祇惜天如夢終朝鎖積羅

大酉山華妙洞寺壁鐫吾鄉畢秋帆尙書紀游詩并
有小碣載公征苗之役駐兵沅州曾來此洞避暑七
日觸瘴癘而薨又公病中自言吾名沅合姓以取義
恐遂不起此皆靈巖山館中軼聞也

爲思探秘笈登陟迴生愁戎落山容慘彭亡地讖留籠紗
猶斷壁等筆此高樓惜我生偏晚孤寒淚漫流

黃獅灘

沅水灘三百黃獅最險艱飛流瀾噴雨倒渡奮移山人語
雷聲亂神功石骨頑翻思江上棹安穩浪花間

鎮城謁王龍標祠

我亦旗亭舊酒狂少年歡夢墮微茫偶來蘅汜逢秋社爲
訪蓉樓弔夕陽謫宦此間堪寄傲詩人從古例投荒夜郎
更有吟魂在指點蠻雲去路長

沅江舟行雜詠

濁流徹底變清流水過桃源碧似油終日竹篙錚作響鄰
鄰怪石滿船頭

篙痕石上燦蜂窠多少在人碎膽過可奈險灘三百處一
灘險似一灘何

瀑樣高懸間樣開銅槽鐵梘浪如雷雨兩三漁子打洪米間

坐石磯看客來

銅槽鐵梘二灘名灘上助力者
過後以米謝之名曰打洪米

租得麻陽艇子堅層層拽上萬山巔不嫌船背磨將破一

路波心石卵圓

船戶皆麻陽人大者名花艇子小者名茅蓬艇子

長緯何如短緯忙黎明邪許到斜陽逢村日買花豬肉處

祀灘神馬大王

緯夫自常德雇者曰長緯遇灘添雇者曰短緯舟子稱伏波將軍曰大王

龍津橋畔卸桅篷自過沅州不使風怪底鼓聲喧滿峽木

鐔竹筏正攔洪

深溜曰洪竹木阻淺打鼓集衆必數百人方能運動行船每以爲苦名曰攔洪

如此津梁夢亦疲休嫌二十四程遲來船梭擲下灘去爾

自快心爭溜時

自常德至鎮遠凡灘程二十四站

冥衍最怕觸山礁未到黃昏早下鰲卻憶吳娃雙槳路三

更猶喚再搖搖

玉屏縣

迢遞黔中郡郵程抵玉屏
舊巖繡樹白帶水東城青
麴暇枕椰膩羹嘗蛤蚧腥
征途新況味天末快初經

鎮遠

距陸忽無路灘陽開奧區
城圍雲滿壑市接棧成衢
納浸防春漲釀災警夜呼
何人雄作鎮笳鼓靖邊隅

登陸

梅關此申駕遂隔水程賒
客正戒行李雪偏吹作花
輪蹄通六詔鹽米仰三巴
去去千山裏吾生自有涯

文德關

危關峙天半萬丈削雲根一綫開羅甸雙厓束鬼門丸泥
誰負固翦紙與招魂七日山程險初程已莫論

相見坡

野人謂峻嶺曰坡謂石
磴曰坎字義每相反

輿升仰而緯輿降俯而杖奔瀑壓輿落蒸雲擁輿上三降
復三升忽霄亦忽壤中座足峙鼎餘支角張網步步目暝
眩境境心歛恍前坡招手呼後坡應聲響相距三十里攬
之在尋丈行滕正告瘁白梧或伏莽孤客偏橋西日落倍
悽惘

夜抵狼洞

一星如月大硤角照微明四壁天窺井千盤澗入城更闌

投店急裝薄卸鞍輕顧影寒燈畔霜猿不住鳴

飛雲巖

流雲捲壑鳴滯雲翳崖間雲液所自凝垂天蔽危厰礪石
矯若龍蝦駁怒張頷噓氣上霄崢朵朵青茜蒼我過月潭
寺雲陣快披覽恍臨佛祖場蓮座大且儼嬰珞紛四垂幡
幢驚一閃惜哉造物功人巧爲之拚緇流飾新象吟輩競
深鑿譬若兜羅綿墨瀋灑成厖厖聞此山靈好潔惡塵染
安得傾天河一洗雲容玷他日出岫飛瑩情庶無忝

曉渡重安江

滾滾重安江羣山莽迴互麻哈與甕城下流共奔驚禹跡

所未經鄭元曷由注滄江萬里流或一濫觴處有時春漲
起頂沒巖上樹黑螟驅風雷崩崖抉成路卽今冬水涸驚
瀧尙含怒長杙椽山根人馬援之渡裘攬霜威厲蹄蹙冰
棱互忍待日高春瀾迤上山去

響琴峽

言踰馬場坪陡落響琴峽水深黝如膠倒浸兩崖插老晴
無日星人鬼畫相狎昔時懸綆渡躡虛步恒踰通道有葛
鏡石砭建如牖畚揭三十年傾家不辭乏濟人荒怪區國
僑亦心忉度矧顧來棧斜樹亂雪夾冉冉出松頂寒陽滿
高硤在險心塊然回睇汗流脚駕焉陟前峯層陰雨雲雲

牟珠洞

幸兀雲頂關有洞孕厓壁筍輿行已過急返梯空覓朝陽
寒趁人穿入光四射鍾乳凍不融青玉明的饒層綴現浮
圖寶相淨如滌深轉黝無際敲燧燃乾荻仰燭古裝嚴森
羅駭初覲龍象閼靈蹤肖形尤詭激異境自天開疑竇容
我摘竺教播中土梁唐始惑溺何以太古初胎結此幽闌
又怪圖宰功示巧在荒逖脫非大道旁巖窟孰尋剔撫跡
生幻想點筆紀親歷山靈默無言孰與叩蕭寂

隴聳塘紀事

陡絕隴聳塘俛瞰四無地下馬階而升跼步心惴惴一馬

偶脫韁風鬣捲雲墜千仞不可蹤萬方莫由縋須臾見羣
猿肢解出岑翠羶峒三日糧駭僕一鞭淚此亦卽悚坂何
以此吾騎

初抵貴陽

少年湖海氣全刪忽又探奇入百蠻葛鏡一橋鼇背水奢
香九驛馬頭山詩成楚些巴歛外歲盡盲風毒霧間差喜
不毛仍此地石田多半破天慳

除夕吳通守

廣生

招飲

四壁燈圍一室春鄉情濃人綺筵新嚴宣觴政僮旁笑醉
吐花茵主不曠若果直年皆此夕何妨萬里作羈人酒酣

忽憶茅衡畔米券煤逋恩老親

貴筑謁黑神廟

吹燈夜入黑神廟甲仗滿堂森一照范陽南入是男兒底
事成神在蠻徼或云有子官涪州爲父立祀黔山幽我聞
兩家子弟材智下伏闕對簿爭如讐是兒差足媿張許沉
公義烈驚千秋當公睢陽四百戰蚍蜉蟻子無人援臨淮
一騎走乞師何物賀蘭夜開譙一庭伎樂兩行燭強延公
坐笑相屬此酒雖足交吾歡叱爾何堪爲吾辱莫謂食不
下咽恨不啖爾如僕妾之肉莫謂矢祇著甌恨不射爾如
賊虜之目血漉漉刀錚錚一指斷一座驚懔然設誓去何

速甘入圍城就駢戮勸降恥作六開府飲及笑隨二都督
生未吞賊死爲厲江淮雙廟同弗替國殤夙偕雷萬春廡
祭新迎康保裔吁嗟乎當時一軍氣皆墨今日神名尙稱
黑山城鼠雀鳴咽啾祈年釐火來羌酋丈夫廟食自終古
俎豆豈恃兒孫留

陽明書院懷古

荒徼八千里逐臣三百杖竄此無人境高振聖鐸響雲窩
晝玩易石塋夜澂想心源陸與朱臆說一而兩彼哉桂萼
倫置隊抑何罔但見鄱湖戰焜耀三人榜猛繫逆藩頸柔
扼弄臣吭孰知掀揭功悟入自窮壤仁瘞坡下旅威留水

西長體要在良知功用皆夙養沈沈古鬼方天宇永開朗
闡瑾爾何人不如夔蜩蝓

出六廣門二三十里欲求諸葛武侯銅鼓貯甲諸山
而不得

客步隨心遠山名信口稱好游難得伴訪古每無徵林寂
嫌僧少花香怕瘴升磨厓多可記惜未鑿峻嶒

得家書悼張大鴻基

論詩賭酒動相與意氣常從隙處親不見賈生才自大忽
傳蘇老死偏真三年別緒成終古一輩狂名惜此人知有
嘔心遺句在伊誰地下慰沈淪

偶題

且蘭印笮鬱重嵐九十韶華倍不堪
花氣酒香春滿枕昨宵有夢到江南

游黔靈山至釣扇泉作

萬山如朝嶽環城列羣玠黔靈獨尊出衆頂
共臚拜下壓地輿弱仰塞天貌隘中藏熊虎窟
惡木鬱如髯焚剔自何日琳紺結香界南伯政
多暇游譙此稱快時聞呵殿聲風吹入螺唄禪
扉鎖不住騰躡若官解我攜濟勝具灌莽隨所
屆五里得泉竅神漢養新瀝旋縮復旋盈朝夕百
無註奇理孰測之或由大塊憶謝柳跡未經世
流多所怪勝地

好鐫弄山靈亦深喟
率茲僻在夷貞自未遭
疥癬藥吾何敢歸吟如
噤齟

螺山扶風寺後王文成公祠

昔過釣游地姚江瞻古龕
今尋絃誦跡羅甸問瞿曇
白鹿儒家洞青鴛釋子庵
豈真荒服外吾道未能南

貴陽洪邊門外二里許
土人有所謂王墳者傳是
孫可望之墓余往訪之基
趾洪敞固似藩王體制巨
碑中斷猶留半截約畧有
大清誥封一品夫人諸字
可捫索得之按可望始從
張獻忠亂蜀張亡後竊據黔
中從永歷請封秦王旋爲李
定國所敗奔詣長沙投

誠我朝又封義王土人因其故稱而謂爲王墳固
宜然據碑文則是歸命後回黔葬其母非可望墓也
傳聞旣誤郡志又不載姑爲此詩以諗來者

何物老嫗一抔土相寶山前屹千古路逢樵牧話斜陽指
是孫王埋骨所孰知窀穸荒荆榛中惟鬼母驅秋燐龍蛇
大澤一尤物五華髣髴邢夫人我聞李張餘孽散如蠱流
毒西南無定所吹燈旣斬米脂蛇貫箭徒蹲蜀山虎凶鋒
虐燄蕩無遺怪此崇封猶若斧豐碑篆跡蟠古苔淫魄永
爰蠻雲隈脫非叛王終效順除黜早已揚其灰不見長陵
呂娥姁赤眉尙斲金棺開

南明河上

知爲春愁爲旅愁南明河上日嬉游
雲間鐘磬扶風寺樹杪簾櫳甲秀樓
壘築香泥偏有燕磯鳴湍水不宜鷗
青山滿目身無賴閒逐戎羌賽武侯

將發貴陽吳氏昆季設餞飛山旅舍

半載相依萬里行歷蛩心緒各分明
芳春啼宇催人急岐路離觴駐馬傾
談綺暖烘花四座燈情嬌奪月三更
天涯別是銷魂事卻有琵琶管送迎

威清旅興

亂山隨客騎奔綠入巖城石角掀雲起
泉紳引路明蘆笙

春女曲銅鼓夜郎營小憩沾村釀柳瓢一笑傾

普里道中雜書

路轉紅厓小磴幽渴猿聯臂飲枯流僧維數里出迎客跪
獻井泉茶一甌

四壁雨滋堆薜厚半檐日炙蔭槐涼怪他巖戶渠渠屋築
就連村石版房

一磴彎環綰似蛇山程遶磴去何賒朝霞滿壑照如錦十
里梓林開紫花

鱗次山阡晦不分高低石壩罩晴氛春耕倒灌碧溪水十
丈竹輪兜入雲

酸棗坡

巨嶺卓穹蓋當與引遙企遵麓忽無巔中斷橫雲蔽輿路
須直升千級始一憩惟賴興夫勇三鼓無竭氣迴顧猿鳥
蹤飛騰祇腰際黔山互盤複遠眺目多翳及此縱大觀萬
山四俯睨舉手星入捫吹面風作厲凜乎不可留金烏低
墜地

罌粟花

燦燦罌粟花照眼紅與白盤江五日程藝之萬畝闢花丁
爲我言造烟利千百法傳自島夷滋蔓徧華貊私種有嚴
禁花田地宜僻此非官道旁所以盈阡陌我聽花丁言杞

憂倍惶迫洋煙入海關竄行若時疫食外添一嗜如穀不
能辟流毒五十年官刑驟難格況有海販徒構釁如蠭螫
兵塵起重溟上激天怒赫大吏強羈縻煙匪益充斥悉索
萬黃金擲牝壤番舶思彼淡巴菰產不害農隙中原有閒
田多栽猶下策有疾諱不醫後時體愈瘠嗟嗟夷氛靖姑
以永朝夕下士爾何言看花度山脊

夜行失道不及投旅店遂露宿

溪光生夜明彎環作冥導溪盡路昏黑盲進孰敢蹈怪鴟
隱霧啼寒蠶咽烟弔有燈閃遠叢喜彼或來照乞火奔就
之鬼燐驚一燭枯坐閉車穉宿征生後懊飢僕憊難呼倦

夢駭頻覺崩石時一聲走丸落危峭

初抵歸化營程七

鍾英

顧二

文彬

自里門書來問近

況賦此答之

如此天涯漫致詢卻將何語爲君陳
沈沈瘴雨常疑夜慘慘蠻花也算春
山不成名偏遇我魅猶遁跡泥求人
客愁都入高堂夢莫過柴門話苦辛

寄懷詹二

文照

羨君此福幾生修依戀雙親到白頭
粗糲亦堪供色養門閭從不起離愁
精操酒政森成律勤課經畬歲有秋
我獨天南多滯跡望雲終日倚山樓

作家書寄從弟

清瀾

悽然有作

昔我游京都阿父捐館舍及我客蠻甸阿叔復徂謝今此
平安信喜極反成怕遲遲始作答到日莫相訝裁酌茲數
行臨風淚如瀉

阿叔持門戶性介意真坦實盡以爲生入口寄孤管堂前
失此蔭寒家恃誰暖阿弟孱弱軀支振或才短孤姪走天
涯內顧心瘡瘡

寸心託尺素尺短寸何長雖長亦無用臨穎不敢詳但言
客游樂不言客心傷此意孰從識阿母或徬徨多恐開械
日疑淚揮幾行

在家相對貧出外相思苦生爲下土妻粉黛賤如土飢渴
兩心知惻惻復何語惟作破笑詞斗酒須早貯明春梅著
花歸當索諸汝

嬌女作奢想臨別會諄諄滇黔富金翠屬我購之頻生小
閨閣裏焉知荒裔貧頑山塞天地何物稱奇珍鄉關歲轉
餉輦來千萬緡

鄉關困輓輪歲漕弊何底大吏籌海運島夷視之喜扼我
吳淞口恐又兵塵起傳聞到絕徼訛言驚滿耳便當寄我
知遠人正翹企

吾家幸無田租吏不吾酷無田亦良苦生涯在塵轂萬里

寬餅金全家此饘粥阿父昔劬勞今已孤兒屬衙哀向誰
陳拱矣墓門木

林師書來存問兼贈白金詩以鳴謝

海內龍門入望遙卻從遽徵仰星輶溫公洛下名增重裴

令淮西謫乍消閫外饒歌騰六詔

時公新平永昌回民之變

階前千羽

格三苗

時將來黔閩兵

箐林都在春風裏翻使中原羨峒獠

吳儂無限舊興情婦稚茅檐徧頌聲一自蜺旌河上去

辛丑

歲公以嚴辦州匪里吏議諸戍伊翠道出蘇州曾走送金間舟次旋奉旨留辦河務

重聽鴈戶澤

中鳴商愁宵警常停販農困官租欲輟耕底事瘡痍紛滿

眼難將功罪問羊城

天上剛風一霎間，荷戈西出玉關門。
三邊動色思籌筆，四海同聲慶賜環。
入覲尙須依北闕，救時休便臥東山。
來書有引退之語，畸人不解，諛詞頌爲向韓門特破慳。
孤寒八百首重迴，獨荷南金遠賜來。
知已一人零有涕，讀書十載報無埃。
糧餼繁重京儲急，番舶兵驕海市開。
祇共徐揚諸父老，盼公移節大江隈。

之子

之子在空谷，幽蘭相與孤。
偏教工眊眊，誰爲立踟蹰。
顧影三生石，緘情十斛珠。
卻聞花鳥使，俯採遍塵區。

出西郭二里許，峭厓砦裂有僧巢。
居其中，土人呼爲

紫雲洞余恆樂過之

窈窕若虛牝蒼厓危欲崩黏雲淋石乳走壑閃神燈樵路
隨梁斷僧樓借樹升莫言攀陟險題字記吾曾

駿馬篇

燕昭高築臺懸金以爲募一辱奴隸丰輶策強相御朝刷
瘡滿春夕沫汗流勝棧豆亦何戀歸見猶慕惟此芻牧
恩深感主人顧咫尺眎九州不改轍下步行矣齒加長努
力太行路

砂廠

開礦無銀苗採砂有丹汞黔山此寶藏冥搜競鑿空鳩工

集如市設塋架如碕戶啟竇削圭隧走道成甬羣焉斲以
椎剖巖壁求拱堅或火以煤剔穴珠穿孔上者曰硃砂珍
惜若珪珙箕漂瓊膏淨囊漉絳雪重文助昌黎篆仙餌稚
川洞是殆兼離精差堪充藥籠次者爲硃礪鎚碎若埃塢
灰劫昆池揚沙數恆河冗入釜二十升躍冶三百踊煅之
出紅爐升之成白瀕團璣瀉碎粒鍾乳滴懸漣不知用何
適惟見衆爭擁土販走不脛遠商至旋踵入此寶山迴忘
卻禍水涌我思石髓虛泰華勢難輦壓頂坎時陷抉脈波
倏洵生埋亦何辜匿作萬人冢微命縱非恤蘊華尤可快
奪竈結訟煩抽稅任吏董公私互居奇左右各登壘金穴

郭況豪銅山鄧通寵怨府咸耽耽兵釁恆詢詢卽此召厥
殃矧復作之俑盈廷議度支列庫告窮罌迺欲探賾町僉
謀在愆惠財鑄卅六爐銀掘十七種官禁久已弛民愆何
弗動山靈默無言洵司老猶懂竊恐盜藪開莫敷國帑奉
寄語采風人明季事堪悚

一笑

莊躋何多事華風一笑留俊才奴作健奇字鬼含愁獵酒
誇功狗彈冠傲沐猴此間真自大古有夜郎侯

月下寄懷程七試令浙中願二謁選都門

去年此夜正言別風蓬聲聲吹欲裂酒酣見月忽放顛豪

舞狂歌繼之泣今年此夜天一涯月照三處同思家巨觥
滿引不成醉望遠惟見秋河斜二君低顏走塵土一領州
符一縣譜橫摩敵壘未足多高摘魏科亦何補況我子身
游百蠻肩瘡蹄血窮躋攀江魚唾棄風濤外山鬼逢迎瘴
癘間少年鄉里同睥睨旁觀枉作才人忌揭來卑跡如雞
棲知復明年在何地燕雲越樹天濛濛賴有魂夢來相通
詩成起看月西墮露花滿地鳴秋蟲

漫興

居然弔古復傷今少谷山人變雅音海內談詩王予在不
嫌無病強呻吟

紀事

宵嶺風發狂打門響沙礫雞犬伏無聲篝燈暗牆隙曉褐
霜棱棱土階看虎跡

寄酬林師昆明節署

黑白惟從局外看

用來書中語

偏教蒿目歎無端心深莫道旁

觀易名重應知末路難破甑邊情誰復顧漏卮財力漸將
乾一身久繫蒼生望好爲東南自勸餐

都門故人_{同書}有知予棲泊黔中者推薦入學使翁

幕惜予明歲將束裝東下不及應其聘也

是誰饒舌到公卿知我吟滕滯遠行漫喜春官開藥籠偏

逢秋上憶萼羹味如雞肋留何益累及豬肝去始清獨怪
泥塗牛馬走大羅天上記分明

歲暮懷人

自游遠服歲將再更二三故人頻入我夢挑燈念
之各成小詠漏四下始罷吟僂指數之未盡所懷
我思葉石林千載此賢裔遺書付手民老眼校無翳翩翩
繼起人才子三河尉

葉廷珪暨令嗣道芬

膠城四先生松圓尤秀出吳下老寓公官中新記室若遇
錢尙書餘子壓其七

程庭鷺

起斬周處蛟坐捫王猛雖豪氣孰最多斯人固穎出失意

債帥間杖策返蓬華

臧紆青

囊無卜式貲篋有劉蕡策投老作冷官性頗與之適一看

海上山歸臥鬢將白

張錦珠

高第游上都豈遂滑吾性歸飲日酣嬉亦豈爲吾病大兒

北海才老子南樓興

顧文彬

漢杖照不疲秦椎中猶恥流譽滿京華山隨採風使高登

太白樓詩成擲江水

陸元綸

分金知有母鮑子今豈無訂交戎幙下十載同馳驅彈琴

忽出宰下走徒區區

程鍾英

范家石湖水石家今有之始知命名巧古人不能私寄語

湖上客風月好主持

石渠

萬里我獨行一室君高臥借病晝閉關招燕夜滿座細參
米汁禪燈前習成課

程沂梅

著書窮巷裏春氣益滿家怡怡養老母笑我恆天涯今日
新安水亦復浮孤槎

陸廷英

張子軀幹小志乃凌高秋劉子幅其腹滿中春氣浮俯視
駒在櫪仰視鷹脫韉

張源達 劉禧延

說經何硜硜傳家此恆產牖下撥秦灰窮年自抄撰牢耶
與石耶五鹿有餘赧

朱文翰

綺歲盛文藻忽投般若門豈伊絕人理中自具靈根種梅

五百樹一樹一詩魂

祖觀和尚

宿兔場石龍寺

重巖豁焉裂枯剝結巖根鑿雪僧開路敲雲客喚門佛香
沈夢冷石氣逼燈昏他日留題處何人剔蘚論

磨石關苗寨作

朝嶺下寒陽卓午初到地茅茨八九家半就石陰底苔壁
膩作花荆扉密攢刺芻豢不出藩防有飢虎伺此中聚人
烟意行從吾憩侏僂語不通亦具主賓誼夷歌笑侑酒牛
角互相遞蹲坐雜婦女褻狎不知避泥飲遮客留迴指日
西翳藥弩滿路旁云恐觸歸騎夜冷起看天山氣結成癘

何處蠱放蠶金光閃檐際

除夕

歲晏息荒谷不嫌人事稀
賒錢騰舊價檀布炫新衣
瘴氣催梅綻魑光迸爆飛
春盤供虎鮓饒口亦生肥

曾記梁湖口看揚上將旗
千觴行酒後萬帳祭神時
壯士鏖吹曲閨人鏡聽詞
當年磨盾志何似滯邊陲

歡夢庭闈裏驚回影益孤
草暉增繾綣菽水此馳驅
嬌穉嬉雙燭雞魚潤一廚
持家憑健婦知爾力將痛

附錄苗妓詩六首

前人謂夜郎之桑濮在黃絲驛以東歸化營風俗

淫謬固亦不減古所云也客有嫪戀於此者暇日
從而往觀今夕何夕見此繁者失笑迨返維綴成

詩

異樣煙花亦惹愁岑雲孤雨結綢繆苗謂山之高者曰岑水之分流者曰存

宛從臙母窺姪室却在天家問野樓天苗一名天家云出自周後故多姬姓女

子十三四構竹樓野外處之苗童聚歌其上情稔則合黑苗謂之馬郎房獵人謂之麻欄獵人謂之干欄錦帶

纏胸交十字田山葦點青陽鼓洞苗婦錦服短衫繫雙帶於背胸前刺繡一方飾以金錢以手所見雙

帶斜作十字形交於雙乳間背綴小銀環押耳安雙鉤耳錦一方負物則橫貫其中以為紐

大如鉤下垂至肩富者多鬼竿影裏呵交去春時立木於野男女旋舞

飾以珠貝疊繫如瓔珞以為樂猴人曰羅漢樓龍贏得檳榔一笑投狎女饗客以檳榔為上品

苗曰鬼竿呵交謂飲酒也

咀之辛香滿口蓋水浸令軟石貴
灰裏葉藏之曬者始出贈焉

問是槃瓠幾派分槃瓠高辛氏之畜狗也銜犬戎吳將軍

女入南山生六子六女自相夫婦此羣苗鼻祖也詳見范

史西南夷列傳唐宋以前曰蠻曰獠而已前明就三苗地

設府縣衛支派遂分花白青黑紅以色名宋蔡以國名龍

仲韋謝以姓名馬鑑狗耳鍋圈以飾名又有狎獠木老紫

蓋郎慈入番九股六額子獋獋猺猺狛狛狛狛之屬種

類雖蕃風俗畧同敢註中雜引諸書不盡區別之踰堂歡

舞一羣羣每以令節男子吹笙撞鼓苗婦隨之舞桶裙低露

雙趺雪苗女不履不襪徒跣而行圍峒錦於腰重疊百褶

者為長裙苗長髮髻鬆堆半笠雲歟馬鬣雜人髮束為髮

裙苗即狛家也髮髻鬆堆半笠雲歟馬鬣雜人髮束為髮

竹笠旁以五色藥珠為飾貧者以薏苡代之此係盛妝惟跳月時始用之醋菜登拌腥欲避凡

獵所獲下至蜚蜚蠕動之物咸糜於一器俟其唧蛆腥臭

始告鉅成名曰醋菜珍為異味愈久愈貴問其富則曰藏

醋桶幾刺梨釀酒啐成釀刺梨一名送春歸翰如蒺藜多

世矣他省名野玫瑰皆花而不實惟黔中實如安石榴而

奪小味甘微酸釀酒極香韻然不耐飲雖大戶不及一升

便頭岑岑欲吐矣飲無杯鮮或用牛角或插竿

於簷下而啐之只宜冷飲熱則其臭刺鼻也

花開日黔粵山壁間三四月多黃花蕊吐頰絨蒙茸如繡

花自予視之即藥草中之金石斛婢扒蘆笙宛轉聞黔書

也根如蘭葉如柳莖多節而叢生婢扒蘆笙宛轉聞謂苗

俗不嫻音律而蘆笙之制六管比櫛如羽獨合於古余取

視之六管如環並非排列惟長管冒匏短管置簧稍異耳

跳月時笙相懸一葫蘆中貯水吹久則簧燥須時時

以水潤之滇焚間謂好日婢扒見楊升庵奇字韻

跳花坡抱月場南孟春合男女於野以擇偶名曰跳月即

大禮也歸化苗家恆以教場欄杆欄而合成一會此苗俗

為月場其南有峻嶺名跳花坡拉到春陽正十三初三至

十三皆跳月之期兩男對跳四五女聯臂圍之滿山凡數

百圍男跳易乏須互換也笙聲沸天雨相諧則月成心許

矣十三日跳畢男吹蘆笙於前女牽帶從之遠揚三匝相
攜入叢箐間先爲野合名曰拉陽然必有娠而後得嫁否
則越歲復游解語畧嫌音帶鵠父曰包母曰咪兄曰皮謂
牝於牧矣一爲序二爲瘦三爲大四爲布五爲目六爲逆七爲索入
爲遮九爲梭十爲完良挫朝饗也良林再飯也良喬夕餐
也雞曰麥鳴曰阿馬曰虐犬曰磨豕曰拜牛曰批亦日商
訛凡此方言與黔書說鈴諸書所載畧同然有音無字但
以華字譯勸餐還怕蠱藏蠱苗家造蠱每於端午聚蜈蚣
之而已視留其一則爲蠱取其涎矢以毒人奇病百出卽數年後
千里外無得免者予嘗夜宿苗寨見空際如流星閃電問
之則曰放蠱出飲也長者爲蛇蠱圓者爲蝦蟆蠱而以金
蠱蠱爲最毒蓄蠱之家潔淨無點塵投宿者恆以此爲趨
避蓋一寨中輒有兩三家也中其毒者急服白蘘荷汁猶
可解蘘荷葉如甘蕉根如薑芽喜陰木下生潘岳閒居賦
所謂蘘荷依陰是也或曰刺蝟能擒蠱見陸雲士崙谿織志佯牽蘆被情何曉苗俗無
掘地爲爐爇柴而擁以炙雖隆冬亦裸相枕偷結瓜瓞性
也近歲間以蘆絮爲被若木棉則僅有矣

亦慙跳月時取綠巾結爲小圓毬視作夏恐防歸路晚蔡
會親屬婦女椎牛歌舞名曰作夏黑苗兼以賽補籠藥箭
神名曰睥牯臙紅苗則間擊銅鼓名曰調鼓
滿林嵐鴈鳴柔弓是也藥必市諸狎家狎家凡三種一日
補籠一日青仲一日卡尤肯五代楚王馬殷自邕管遷來
者也治藥之術甚秘必得粵西所產毒母名駒者合入始
靈

梅花瘡起火紅邊黔瘡霜降而息明春梅花開始發予以
五日晴朗誤疑爲瘡久乃知爲罩子非瘡也蓋城市皆無
瘡惟陰僻之區或數年一發或數十年一發初起叢澁間
燿爛作金光下墜如丸漸飄散若車輪非虹非霞五色滿
野陸斂南避暑漫抄所謂瘡母也其氣香烈觸之者始如
病瘧旋成黃疸半載莫救矣甚或數十百里人民雞犬墜
有牙遺歸化營凡轄十三支而火紅支地氣最熱故瘡亦
最酷近年燔山木而髡之得少衰繪蠟春衣結束鮮用蠟
時或一發擊以火器亦卽驚散繪蠟春衣結束鮮用蠟

於布而染之既染莫謂更宜干甚事盧鹿苗自蜀漢濟火
去蠟則花紋如繡莫謂更宜干甚事
封羅甸國王世長其土最貴者為更宜次則慕魁勾魁罵
色以至黑乍凡九等曰九批羣苗有訟事涉官者其長兼
理應教耐德見猶憐耐德正調和薔薇三升醬漢武帝因
醬而用兵西南夷梁武帝噉之而美曰與肉何異子以為
必異味也抵黔後徧訪之不可得久乃於苗寨見之花如
流藤葉如草撥子如桑樾漚其油醢為醬味亦辛香而不
甚可口楊升庵丹鉛錄所考非謬矣或取其葉裹檳榔食
之亦可辟瘴呼之為薔薇即薔屏絕芙蓉一枕烟黔人呼
也蜀都賦所謂薔薇菜黃也
為芙蓉故鴉片一名阿芙蓉自清鎮以西山谷間彌望皆
是華種攢瓣如芍藥惟夷種單瓣改結實尤大薄暮釀其
外皮越宿藥滋如膏收而熬之即鴉片不必配以他藥也
凡妓館中每以此煙媚客而苗妓獨否蓋其館固能嚴禁
也聞與歹雞談往事見許鶴沙漁行紀程傷心姻姬侍皇
仙嘉慶初南籠妖婦王蕓仙據泗洞合七綉鬚以叛自稱
皇仙娘娘歸化石頭寨苗酋班指金令妻么香率男婦

入百人往應之後威勒侯勒保計擒襄仙檻送京師餘黨皆駟戮焉

狐媚何堪掩袖時苗女亦饒姿色惜多狐臭凌波照影鬪

芳姿余於蕉溪海溪間每見苗女三五成羣櫛沐於清流

以取媚也歸化在萬山中數百里無嬌臨猛已場邊路趕

巨溪闊澗故遇水益低徊不忍去云嬌臨猛已場邊路趕

日猛已亦曰拜其自盤州抵歸化歷龍場兔場狗場雞

場諸寨初不解命名之義及前之土人始知逐日趕場數

百里間按十二辰爲一週也歡鬧家親殿裏屍親死列木

苗女廬集其地固一穢墟云歡鬧家親殿裏屍親死列木

崇厓峭壁間不施蔽蓋旁立木主識其處名曰家親殿初

殯集親戚男婦笑歌跳舞是爲鬧屍明春聞杜鵑聲舉家

號哭曰鳥猶歲抱子始延巫設祀無忌卽跳月後許有家

至親不歸矣抱子始延巫設祀無忌卽跳月後許有家

矣亦必結好數人名曰野老聘夫就之強相合而已有子

始告知聘夫延師巫結花樓祀聖母聖母者女媧氏也親

族男婦歌飲三四日名曰作星自是避寅先謝客窺籬月

有犯姦者夫遂得以兵刃從事矣

寅日墮戶伏處夫婦異寢親族招搖禾落坊前過苗俗近不相往來有犯者謂必遭虎厄
婦稚竟有以節孝稱者道光十二年麟方伯度採訪得五人請於朝以旌之孝子二日喧鳴日賈香節婦三日扁招日禾落及其翠帶紅巾悔亂投六月六日為換帶之期羣子婦日噉而觀之贈以裙帶則尤喜嫗者或不得帶歸而父母以為恥野老亦以多為榮私一男則髻上蒙紅布一方斜疊若巾愈高而愈自得稱至數十層者同伴咸噴噴稱羨云

海雪畸人夢一場相逢莫是韃雲娘明季鄰澁若號海雪畸人為苗女執兵符者雲韃娘記室著有赤雅一編舒鐵雲題赤雅詩有韃雲

驃雪都無價愛妾還能換馬不之句倒用雲韃二字姑從之羞他送子煩瓜嫂凡無子者親友於中秋夜飾豔婦抱瓜送於其門稱為瓜大嫂此係黔俗也苗婦周嬾去迎神祀竹王昔有女子浣於邏水見三節亦效之
長而雄武衆立為夜郎侯漢武元鼎六年舉國內附後以事誅羣苗思之不置請為立後牂柯太守吳霸以聞乃立

其三子爲侯因相沿立竹王祠鑿齒縱教隨犵狁有五日種
至今羣苗猶歲時奉祀弗衰云
花日紅日翦頭日豬豕日打牙打牙尤慄悍而女子頗纖
好將嫁必折其二齒否則恐妨夫家殆所謂鑿齒之民與
見田汝成埋香忍使殉鴛鴦蔡苗夫死必以婦殉婦所私
炎微紀聞
竹枝詞有幾見鴛鴦要留阿妹相思曲苗曲有妹相思妹同
鴛能作豕之句
之水曲從伊唱幾章宋時牂柯蠻入貢令作本國歌舞一
詞
舞以足頓地爲節人吹匏笙如蚊蚋聲數十人宛轉旋
名曰水曲見宋史

半行庵詩存彙卷四

吳縣貝青喬子木

跳月歌

苗女婚禮古曰跳月今俗稱拉陽自新正初三至
十三皆其吉期也月場在跳花坡南距歸化營二
十里余往觀之與陸雲士周谿纖志所載不盡脗
合意者別一種類歟余固祇見青白花三苗也戲
爲作歌以記之

古跳月今拉陽古名今名義弗詳乃是蠢苗出游牝男男
女女雜遝嬉花場花場初開種花樹鬼竿十丈場頭路招
半行庵詩存彙卷四

得羣苗百里間喜挈蘆笙結隊赴男襖長女裙短肩錦新
裁春服暖男環隻女環雙銀鉤重壓椎髻旁新正初三至
十三女伴呼女男呼男聯臂頓足到場上男情女態皆狂
慙兩男作對跳場內羣女四五圍場外合圍羣女千百圍
作對羣男千百對男跳遲羣女四圍都矜持男跳速羣女
四圍共笑還是時蘆笙吹作鴛鴦鳴衆跳應節諧其聲聲
中自有月老在天作之合憑一笙一笙聲催衆笙急場心
衆笙陡焉息婚禮十日告無忒於是男中翔女側睨男前
行女後曳男女相就不相避親結其褉一巾繫連場三匝
牽而戲選幽不知去何地大體雙雙滿山際四山雲雨皆

爲賦誰家得佳婦誰家得快婿阿父阿母然後從旁讓牛
角彎環作酒器滿場持賀飲如沸共言一索得男易早爲
通媒納聘幣無令野合中道仍相棄旁有騃男嫗女心自
知笙聲豈必多差池何獨跳罷場外遺我爲娟娟惜此豸
誰教弼弼隨羣雌

黔山開礦者不下數百廠硃砂硃硃所在多產而金
銀礦祇威甯天柱一二處而已余前曾入詠意未微
實今與程生沛設壆大文山凡所見聞頗資談助故
復作五砂吟

石壆利用椎土壆利用鑿病僂背砂籠長隊進頓顛啍啍

伏雌聲虛寶捕靈產

採砂

砂寶能鳴驚之則他走

五步置一燈鼈行紛入塋轉輓出磗門裸程乃許上日暮

黃村膠羸得草鞋兩

運砂

塋口曰磗門塋丁多偷漏故防弊極嚴須裸身出入鞋有

遺砂故可換酒

上者曰塊砂洋箭與壩斧燒砂最次之鎚碎半沙土辨香

謝寶王更有把巖虎

揀砂

洋霸皆地名箭斧皆砂名壩神曰寶王不設塋而採砂強

者名把巖虎弱者名爬羅雞

砂牀竹溝斜砂瓢木柄曲留水亂簌揚獨漉復獨漉朝看

磗一坯汰盡暮盈菊

淘砂

未淘之砂曰磗

燒砂有丹爐雙篋覆雙鎚鎔化出劫灰還須顧而唾竈下

黑白班官中生熟課

燒砂

砂既出服黑如灰爐須需人睡始成硃根壑丁晝日白班

夜日黑班官收十之二爲稅既成硃根收之敵戶口生課收之商販日熟課

懷管

南漳

元白當年近接鄰牆頭呼酒記頻頻雙潦偃仰多佳士四海飄零有故人燕葦舊巢棲愈穩驢行遠道策難馴浮蹤一樣離鄉土羨爾苕溪易訪春

清明

風榆吹落杜鵑聲逼著征人耳畔鳴畫舫滿河花滿郭故鄉今日是清明

吳通守膺薦入都兼運京鉛將由蜀江東下余擬入

滇後附件同歸藉覽巴渝之勝先以詩訂之

好奇踏遍萬山青
似外奇山惜未經
敢假星程容我走
莫誇天險駭人聽
巴江千里流成字
巫峽雙峯樹若屏
宦興何如游興好
乘風一路放歸舫

鬆苓山廨雜詩

鬆苓坡在盤州歸化營
古爲靡莫絕境康熙中始
合康佐十二司設一倅以轄之
遂有人烟三百餘戶
鱗集坡下坡舊名松林
余因其產苓故易之游
跡所淹積成章句非曰風謠
聊徵方俗而已

遐裔何年闢游蹤
此處新采風蠻井
絡占歲漢星辰塊
獨

將遺物幽棲轉畏人始知懷葛氏垂化在狂獮

頽城如斗大終日積蘊間旅緒滄疑夢鄉音漸帶蠻解荒
狐拜月林響虎巡山頗識安禪趣塵心一律刪

高臥層厓上陰房亂見聞窗明太古雪枕納下方雲狔鳥
聽如哭蠻花嗅欲醺憑欄偏失喜十日豁朝暉

蕭寥三百戶石版築蜂房流汞燒成水飛硝掃若霜經旬
開一市孤瀆濟羣羌暮夜譁何事城圻逐餓狼

聞有梅花院皋比衆所師登堂戎子禮執簡稗官詞亦自
供雙旌從誰借一紙慚予荒落久經事漫相規

十二分營處林牢見斷墟異香冬捕麝毒箭夜防豬戍重

軍糧厚苗頑法網疎屯田留古制誰爲課春鋤

嗟此逋逃藪周遭百里疆戶貧人盡盜土瘠石微糧訟牘
呈冤健淫祠事鬼忙不知司牧者何術報循良

東郭石頭寨班家前土司負嵎棲黠虜搗穴下王師狐火
消殘燄梟竿卓廢基今經五十載故老尙嗟咨

擺桑南去路接壤粵西偏桃汎紅江漲榕陰翠嶺連風腥
過渴蟒雲熱墮飛鷺爲避梅花瘴春來盡播遷

昌黎惡南食我意亦悁悁下箸常防蠱臨餐敢慕羶雞埵
鮮菌大雀甕刺梨圓祇此秋林裏嘗新摘暮烟

撫跡心猶壯填胸氣不蘇忘勞勤習射撥悶慣提壺文武

禪中蠶雌雄屋上烏閒來參物理寂處未嫌孤

春至如羣蟄蛰蛰出郭行雙兒來問字姪女聚吹笙日氣
火紅繁雲光鶴翠營勝游何所適藪草接天生

養真茲偃息約畧似桃源境隔紅塵斷天封白日昏金銀
馳暮氣花柳寄春魂緬彼生人樂難從木老論

望遠無征鴈傷春有杜鵑一身蠻徼外入口海雲邊形影
燈相弔行藏鏡自憐卻留鴻爪在石壁姓名鐫

將發歸化營留題

一片青瑣萬嶺巔愁吟歡醉忽經年詩多奇助終嫌俗酒
得枯機漸入禪啼雨林猿窺枕上吹燈山鬼出窗前此中

未覺羈游倦遠梯轡烟又振鞭

關嶺

四十三盤路盤盤絕境分天容低礙日棧腳俯窺雲妖樹
新淫祀神祠古異聞憩勞難久駐層阪下殘曛

關將軍索廟

廟在嶺絕頂嶺從將軍姓也碑稱將軍爲前將軍
少子從武侯南征有功及民民德之遂俎豆焉余
按前將軍二子長曰平次日興平及於臨沮之難
興弱冠爲侍中武侯甚愛之征討未嘗不與此則
史冊之可考者並無所謂索也乃前明謝肇淛謂

將軍曾爲李恢先鋒諸葛元聲又合將軍與興爲
一人不知所據何書然廟貌颯爽祀事脩明世奉
爲順忠王諒必有所以懾伏蠻髦者故詩之

年少從軍漢相營康降都督此先聲惜無信史垂華夏却
有神威繼父兄被髮野氓爭設祭征蠻突將倖留名南陽
有後推瞻尙誰建崇祠鼓吹迎

雞弓背

上到無上上霄崢蒼莽間天風搖列宿古雪凍羣山廢部
留殘柵屯軍扼故關飽聞漢丞相餘德在諸蠻

暮行亂山間攀留不得路遂投苗寨宿

山行有常程杜陵語須記趨塗誤僻道向暝愁攬轡紅日
大如輪森森墮叢翠硤角烟溟濛荒爨數家翳揖我宿楚
間訝問來何自詰奸禁宵旅披款敦地誼具食不能餐姑
爲吾馬飼掛壁暗無燈藉軀錚有器虎偃走敲門坦然入
疲睡

盤江老路

四山青峭高刺天下夾洪溜鳴濺濺迴旋三日出無路積
瘴終古霾蒼煙前行輓梢激山響後行峻架梯空上藤纏
冷月猿掛愁林偃腥風虎磨癢聞說前朝此覆軍瘳痕留
石如新焚陽岑戰血結憤草陰厓殘鬼啼冤雲卽今幸無

封豕突高墩短塹漸蕪沒危巖唱出蠻歌幽逼耳徒觸行人愁碧雞金馬祀神去別開新驛花河頭

鐵索橋

呂梁中斷孰鉤連卅六長絙貫翠烟野哭慘聞兵死鬼旗行危度肉飛仙眼迷欄楯煙雙闕趾曳銀鐙響半天卻笑沈江何太陋千尋漫欲截樓船

輿行叢箐中山鳥之聲悽切滿耳征夫善感殊不耐聽作二鳥詩

一程程聽鷓鴣鳴山後山前盡此聲苦勸行人行不得行人無那正行行

秭歸祇喚不如歸喚罷朝煙又夕暉爾自不歸歸卽得千
山何事倦猶飛

前詩旣成懷情莫釋觸類詠之復成三絕

嘹唳無聲落遠天空聞書札倩誰傳南飛不過衡陽嶺我
過衡陽路四千

記否雕梁舊日春客中相見倍相親如何萬里封侯領憔悴
蠻荒覓主人

三匝依依擇一枝傷心予尾畢通時聲聲啼徧天涯路未
盡巢中返哺私

踰滇南勝境

行盡羅施界，迎眸景忽新。
山容平見地，風力健飛人。
芳草牽情路，桃花隔歲春。
客程知愈遠，鄉夢恐難真。

西巖道中

少小桑蓬志，終成汗漫游。
輕裝辭海國，單騎入梁州。
風勁沙如雨，霜慈樹不秋。
愁看昆洱水，多半向西流。

義象冢

前明水西安邦彥之亂，結黨犯滇，猖奔莫遏。有陶土司攜象與戰，賊銳甚，陶旣敗，象奮怒突出，蹂死數十賊。陶轉乘勢得勝，翌日象創劇，徧體出鐵鏃三升，而斃。滇人德之，禮葬馬龍南山下。康熙時山

左田山薑先生爲勒銘詞於石

尾燧奇功意外收三升鐵鑕憤難休唐宮不爲羌渾舞倘
與安家有世讐

馬龍山下勒貞珉戰血千秋碧化燐諛墓有碑高百尺曹
蜍李志爾何人

入滇不得覽昆明諸勝

指點嵩盟舊日臺白雲空遣逐人來山圍翡翠新屏列路
阻蜻蛉古縣開病酒有方思醒石詠花無句負唐梅游山
可比游仙易纔近蓬萊又引回

下老鴈巖

嶺峯如束筍迸出馬頭前雲樹莽搖動風泉紛斷連半空
行腳路萬古不毛田在昔誰通驛唐蒙倍可憐

瀝尾驛有贈

破笑相逢古驛亭棗花簾下騎初停琵琶一樣迎人響拋
卻江南到此聽

白水巖觀瀑侍林師作

樹杪虹霓捲百泉上公行路爲停鞭雷轟車吹山爭響雪
濺旌麾日助妍渴望羣思作霖雨澄觀臣久矢冰淵濟人
徧在風波後願託慈航下巨川

侍林師行轅談讌翌日賦詩呈謝卽以告歸

吹角鳴笳按部來淹旬幕府許追陪膚雲喜復寰中布鬢
雪驚從塞上皚問到三吳堪墮淚談深五夜罷銜杯東征
親見蟲沙劫吐氣何妨訴一回

萬家神速戍車馳猶記金閭拜送時當代自然藏有史完
人畢竟索無疵徙薪誰復追前議療病終須問舊醫留俟
震驚西賊膽范韓養望亦相宜

祇緣母在憶吳闔難戀綸巾羽扇人此日寵光依節鉞歸
時衆望慰朋親度支中外爭持策互市東南孰算緡莫怪
書生私憤切暫離階下復誰陳

江湖去聽舊哀鴻正在歸帆一路中徧地短葵傾向日經

秋大樹颯當風攻心南詔揮羣將援手中原待我公妄冀
前驅臨海甸濃磨盾墨獻雕蟲

白雲山羅永庵

昔觀紅篋記今上白雲山漫說亡人在空傳老佛還洞寒
流米竭杉古罩庭閒拄笏看新燕飛飛暮靄間

渡遼水

禹功不到處巨浪挾山開衆峭盡西向東流時折回陰燐
棲灌莽神物走風雷漢道曾輸貢番禺此去來

遵義府古爲播州地柳子厚所謂非人可居者乾隆

時陳公

玉璽

來守是郡令妻女教民蠶織民始知有

生業迄今繭絲盛行海內而遵義遂爲黔中沃土矣
蠶種來自山左長五六寸粗如指人稱爲太守蠶余
道出公祠下欽仰久之爲題一絕

簇簇人烟隱翠嵐誰留宦跡在西南
繩牽橡櫟張如網爭飼山東太守蠶

松坎驛

層巒爭向馬頭開大小相宮翠萬堆
我爲山靈三嘆息播州未換柳州來

桐梓興中作

籃輿成隊渡牂柯尺寸難求地不頗
緯曳蝦鬚穿确犂路

蟠蟲篆上陂陀樹無可用生何大山縱能奇惜太多聞說
前行節蜀棧不知天險復如何

與行僻道快觀異境寄程丈

庭鷺

半壁淋漓潤若指神斤鬼斧費安排林環硤角藏枯寺洞
走江心出對厓幻想欲移中土去幽探惜少故人偕他時
歸乞荆關筆寫到窮荒此亦佳

綦江曉發

古綦市前雞亂鳴披衣起蹋霜街行山沈殘月淡如水人
逐曉雲爭出城待渡寒江楫初駕呼餐野店燈猶明迴鞭
一路舊經處滿地露花含笑迎

自珍州重返貴陽

流光荏苒馬蹄間
天末浮雲去復還
漸視他鄉如故土
終嫌鬼國異人寰
深相款接非無友
略可低徊祇有山
莫道萍蹤能久住
秋風準擬唱刀鐮

贈王問政

兀傲風塵際其如下吏何
頭銜呼似鵬手板拜成駝
籬鞠秋堪采庭松強自哦
虞山天共遠歸思滿雲阿

贈女謠

程生買婢貴筑有楊姓
攜女至貌若甚戚者問之
曰今遇科場細民皆有徭役
卽擔糞奴亦不免吾

業種菜例輸十餘金家貧無以應故鬻女也余聞而惻然詩之以爲當事告

官中一粒穀民間一塊肉官中一把蔬民間一女奴嗟爾菜傭甚矣憊何堪官帖遭苛派聞說秋科已迫期急攜幼女街頭賣爾不聞卜式輸財千萬緡居然手板腰拖紳儒酸入試矮檐底堯舜僻典無能陳槐忙杏闢復何事老圃西風愁殺人

重登甲秀樓

涼翠撲簷陰憑欄夙悵深討春如約到留句隔年尋日氣蒸芳甸雲心戀故林霽虹橋下水依舊助清吟

得家書悽然有作

絲幃色笑宛當前一紙中含意萬千翻作歡詞來慰藉愈
知游跡誤流連嘔心有句兒徒苦餬口無方弟可憐菽水
全憑炊婦巧歲饑何術竈生煙

蠻酋濟火從武侯征孟獲有功封羅施國王相傳遺
象附祀南明河上武侯祠予入祠瞻仰侯旁侍從戎
服女妝各極瓊麗獨無所謂青囊藤甲者惟聞水西
安氏是其遺裔俎豆尙弗衰也

羌戎隊裏黑雲都蜀相迎來五月瀘歸漢趙佗明大義入
滇莊躋奮雄圖一朝恩寵銀鳩杖九郡雲祚珠虎符雍閩

宋竇徒跋扈還留世祀到今無

客有自郢中來者備言荆鄂諸郡邑被水情狀令人
慘不忍聞余不日將歸經其地旣憫水災復憂道梗
唏然成詠

久知春漲峽江邊及聽深談倍惻然
懷淚同揮羅甸雨溼裝猶認洞庭煙
濟時誰擊中流楫放賑爭支內府錢
前茂戶部
發賑濟銀數十萬憐爾行吟經澤畔空教哀郢賦新篇

男號女哭舊哀聲想見滔天水勢橫
雞犬隨人登大舶魚龍吹浪入頽城
沿堤整鋪難興役時方修築荆隄截路萑苻易起

盟不解頻年逢浩劫荆揚何罪在蒼生

嘆息吾家在下游，狂瀾孰與障東流。屋隳番市盟難恃，蠹

蝕官糧額愈浮。方冀十年民氣復，何堪此日水鄉秋。河防

甫竣江防起

前歲黃河漫溢淮徐多被淹

瓠子歌成萬斛愁

堯災湯旱復何論，偏地痾瘼漬淚痕。詩詠春陵元刺史，圖

成安上鄭監門，汎舟爭請鄰封糴。解橐分霑顯宦恩

時中外大

吏捐貲各振其鄉

待我歸途應起色，久聞

溫詔下重閣

九華宮祖席留贈

離筵欲別難爲別，歧路將留未許留。滿眼關山爭勸酒，三年書劍罷登樓。爲聽烏鳥風林嘯，倍憶鱸魚水國秋。無那馬頭楊柳色，絲絲綰住夕陽愁。

吳通守念予四十無子許以侍婢傭媼攜歸吳下出
作紫雲之贈詩以謝之

名附梁鴻廡裝成范蠡航預思歸娣吉早識老奴狂萬里
詩留聘三年髻待妝東風真有意吹暖到枯楊

出威清門作

寒雨黯秋蕪離悰咽鷓鴣馬嘶催道遠人去贗山孤再到
知何日瀕行眷此都迴看涼翠合咫尺已模糊

輿夫嘆

昇我兩輿夫同姓相伯仲少者性尤黠出語每微中自云
有薄田豪奪莫由訟訟之官弗聽一紙杳如夢吾儕是小

人朝夕愁飢凍官爾飫梁肉心力爲誰用昨忽遷官去沿途捉人送行囊置何物沈沈壓肩痛官初莅邊郡攢眉嘆屢空何以去時裝輒比來時重聽此與夫言宛似詩人諷呼之就村壚騶飲宵一閤

渡鴨池阿上小關

一水杳無底兩崖屹相對徑渡若墜坑陡上巉磯背迎面削千仞倒影垂巖巖梯升踏有循半趾恒在外徒旅如螳子緣牆走成隊出入雲氣中與馬互顯晦巔頂益屢屢取塗石縫內喘息一迴睇萬象墮茫昧白日蕩其陰天風四交會絕磴怵來蹤蒼林悵徂熊今宵宿何處重重指遙黛

水西道中書寄葉丈

廷琯

飽嘗山味雅難厭及到南中漸生厭驚心惟覺詭怪多悅
眼終嫌秀靈欠故鄉拋卻好湖山日向靡莫來登攀縱極
佳勝棄荒土彼蒼位置何其慳平生邱壑無靜悟游蹤翻
坐好奇誤逝將歸訪莫釐峯同舟棹入烟波去

奢香驛懷古

巾幗能成百世功鑿開九驛亂山中居然去作降王長納
款親朝馬后宮

遐方偏是女戎多媳婦無如八百何畢竟高皇能馭遠冤
誅宿將靖諸羅

椎髻依然率土臣何容蠢動起邊塵偏橋寸磔田雌鳳亦是牂柯志裏人

大定道中

複嶂如麾仗重重馬首迎蠻營小叢曲雄鎮大方城野衲呼猿飯山獐跨象耕夜深看星斗迥異放鄉明

山行遇雨

暘行不得息崎嶇方及晡飛雨颯然至遇人峯半塗打頭千片落獐風與之俱歔歔撼崖樹倒拔誰能扶棄輿匿巖罅屏息不敢呼俛視但雲氣一白秋模糊空外立羣峭焉知根有無雨腳忽東走照耀開金鳥張發阻當路厲揭多

窪區乾饑飯村店涇裝煨地鑪聲聲行不得愁聽山鷓鴣

畢節縣

立馬三邊迴孤城夕照中灘聲騰赤水雲氣豁烏蒙物產
鉛輪貢山容石作宮相逢鄉父老問路達羣叢

旅行

旅行防盜警結隊度危岡喝日烘雲赤晴沙捲地黃官符
搜旱魃鄉約捕秋蝗天意真難問荆揚正水荒

自畢節以西五六百里間男婦以馱負爲業背鹽入
黔背鉛入蜀一路往來如織也戲贈以詩

巖戶由來健步多相君之背貴如何入時原不宜強項俯

僕都成郭紫駝

一笑羣娃結隊來
弓鞋飛步亂山隈
倘逢桴鼓梁紅玉
娘
子軍應領背嵬

官肉謠

縣堂夔夔捕大鼓
縣官朝衙諭屠戶
爾設屠肆利萬千
宜有羸餘獻官府
朝獻生彘肩
暮獻爛羊頭
此是公膳有常例
今當日獻銀一流
火驚蒙牛般鯁目
炙縣堂風肅肅
屠戶夜起四脫逃
縣官親自操屠刀
縣門快大嚼
縣署盈大庖
買肉勿嫌官價高
爾民三月不知味
嘗及一鬪恩已叨
我過山城偶駐馬
聞此堂堂肉食者
是時四野方啼飢
草

根掘盡土如赭

雪山關

乘驛自黔南戕戢走一綫北踰雪山關羌焚互如練赤水
迷無津雲氣鋪成片卓午雲忽開與圖獻當面馬首西是
瞻冉駹各邦旬東下指巴賓烟巒迭隱見終古此荒服犁
庭幾鑿戰自大多驕王臚列府還傳蜀相昔棄之曾未置
郡縣後朝大啟宇月竊紛傳箭聲教暨何遠甌脫皆歡忭
况茲附函夏潢池敢鼓燭所患地四維邊蠻聞時變西陲
設重兵十萬橫磨劍海防東一隅艦師孰征繕

永甯道中書懷

鞭梢此日指戎廬夕飲農館屢戒塗鬼國炎涼留幻夢鄉
程迢遞入平蕪千秋作計名山在四海依人短褐孤歷數
平生奇險境方知蜀棧是康衢

敘永廳登舟作

戎落蠻貊乍倦遊西風吹老一鞍秋歸程從此江行起記
取天南古蘭州

夾岸雙城雉堞高通津橋畔市聲嘈武侯麾扇南征日此
地曾言是不毛

納溪縣

小邑樞溪畔臨流聚百廬山椒隨岸盡江汶逼城偏晴市

喧橙客秋耕刈蔗田故鄉風景在剪影具區邊

初抵瀘州寄內

幾番夙約誤天涯
燕來時定在家望遠莫須驚柳色寄
聲先爲告梅花
西窗夜雨留情話
南浦春波感夢華
卜到金錢應倍喜
行人早晚下三巴

登海觀樓

金碧何年劫火焚

十年前雷擊處
柱尚未修葺

危欄風檻眺斜曛
詩心

倚醉添狂興
酒面迎涼解宿醺
內外分流雙派水
陰晴雜
殢五峯雲何堪
客路登高處
正見遙天度雁羣

馬謖溪

棹出涇南郭言尋馬謖溪溪上風雲色萬古常淒淒蜀相
南征昔駐兵渡瀘曾止揚麾旌誰策南人不復反參軍料
事識最精攻心一語定帷幄擒縱下盡名王城吁嗟呼街
亭之敗何憤憤請貶三等丞相悔挫衄何如秦孟明拜賜
猶堪出師再

瀘州黃刺史

魯溪

招讌

瀘江傑閣敞清秋刺史開筵在上頭鰓部波光侵檻溼茅
峰雲影入簾浮酒邊談綺陳驚座笛裏詩情趙倚樓難得
天涯作歡會鄉音半未改蘇州

履霜操

瀘江之游一石屹然相傳爲尹伯奇撫琴處暇日
登覽譜成此曲盛青樓後無人嗣響也

父母兒憐兒嬉戲父母前父母兒怒兒在中野
熒熒朝暮
梨花不飽匪父之食荷衣不暖匪母之織蒼蒼者天
蒼蒼者淵
兒惟父母曲全父母不見誰復恕兒之愆霜皚皚兮
莫知其寒兮兒兮兒兮何以事我父母歎兮

聞江鄉米價騰貴而川中適大熟遂慨然興商販之
思傾囊金得米二百六十斛窮酸作事可笑因解之
以詩

怯隨蒙盜憐持籌遭鬼侮一笑棄青氍居然作商賈

旅客五窮文市兒三倍利
擣粟下荆揚中有蒼生涕
野哭待飢炊京儲減荒漕
粒粒貴如珠鼠雀毋我耗
廬陵價莫知襄陽估最樂
免稅奉官符不愁關吏惡
燥溼戒舟航盈餘計斗斛
誰知負米歸無多飽母腹

喜晤陶太守

文潞

萬里星郵走益州偏從歧路識鳴騶
知名何用遮方輟投契還堪贈剡綵
爲威風塵消宦興劇談姻婭動鄉愁
何期車笠相逢處訂到林泉異日遊

瀘州誌別

資江秋色送征帆一路烟巒夕照銜
漫說涪翁逢地主至

今留得使君歲

琴書兩月滯江隈
舟子頻番倚櫂催
惟有敘州城外塔
飛來不復再飛回

半行庵詩存彙卷五

吳縣貝青喬子木

罐口灘

蜀江夾山走千里無旁鑿惟有罐口灘如齒破齟齬正當
折流處漏器水澎湃巨舟蟠曲來避溜力旋幹只爭撇漩
靈舵尾魚一鱗莫誤山缺開支港可斜達下注脫偶欹石
穴森窰窰猛若赴壑蛇五丁亦難拔流戶灘左右淘金以
爲括身手習狂瀾寶向貝宮奪爾利日幾何我行倍驚惶
迴頭側掠過奔湍去如潑

合江縣

蠻部附庸水朝宗茲合流客臨符縣夕山倚少岷秋游興
懸雙屐羈懷信一舟飲歌聽不得進入夜狼愁

江津縣卽目

漁洋當日駕輕航飽看秋林豔著霜我到絕無桐子樹祇
餘童阜與髡岡

渝州雜詩

雲際結雄郡周遭俯衆流迤東趨枳縣直北走蓬州峒俗
賓歌改星躔井野收下游臨巨峽形勢控襟喉

此日誇繁盛西川第一城井饒鹽用汲山沃藥堪耕旌旆
清時色鷄豚樂歲聲漢家文教遠猶是古南平

旅人淹匝月攬勝此川塗石氣侵吟褐灘聲沸巨壚故墟
悲蔓子仙洞憶麻姑無限登臨興霜林展齒孤

龔山謁禹廟

南鎮古陵崇吾會訪越中却從巴子國重拜姁王官櫟槐
千山迴龍蛇四壁空江流今孔亟搔首念神功

龔后祠

森嚴神衛古華粧呱泣曾徵四日祥克嗣徽音追文狄誕
生賢子儼娥皇鐵桅峰秀看橫黛石紐村遙引佩璫髣髴
蜺旂三過處入門猶擁百靈翔

渝城舟次作

石城如白屹江隈登陟須憑健步來百級千層升不盡朝
天門在半天開

初來秋汛正汪洋落去洪濤百丈强沙磧忽成新井里賓
鄉一歲一滄桑

烟巒雲岫一城中雉堞參差氣鬱蔥最是市心翳雜處石
梁橫亘兩長虹

打魚灣口水生澗溜裏看人鼓棹過迅急不容船直走倒
推斜挽下梁沱

銅鑼峽弔前明巴縣令王公錫

殘明寇氛熾入蜀恣屠吞守土有賢宰翦之茲峽門厯厯

崖上樹烽火留燒痕舟人指破壘戰蹟能具論出奇公最
善屢擊蟻賊屯姚黃兩巨憝摧拉如枯根餘勇救鄰邑力
掃烟塵昏奈何天不佑衆志隨城奔鬱烙共疆吏九死酬
君恩吹簫不用竹一箭誅凶鯤終見渝水上大慰三忠魂
公與川撫陳士奇重慶知府王行儉同日死難渝人立三忠祠我聞義憤事恆醲酒一樽
睢陽爲厲鬼被髮來天關

長壽縣弔雪庵和尚

嗟嗟靖難兵千古足悲愴金川門一開鴟鷺散天仗白帽
加王頭紅篋變帝相君臣革命秋偏多佛子樣松陽何許
人披緇峽江上象教強皈依烏朝永拱向從亡四十年楚

賢憤入唱豈真義烈軀忍心投竺藏信國慕黃冠或作羽
仙狀二氏姑可託臣節斯堪諒希蹤衣葛翁抗懷補鍋匠
媿殺姚少師不了攸和尙

涪江懷黃文節公

詩到涪翁闢一塗尋源幾輩溯夔巫拘離澼澗支流雜萬
古西江派有圖

舟過涪州欲訪程伊川先生注易洞而不得

卯角讀義經玩注輒神往今日下涪陵遺蹟尤景仰維公
立朝初觥觥絕欺罔帝側好爲師誠竭經筵講所惜元祐
賢洛蜀分成兩同入黨人碑打盡歸一網竄逐擁皋比羨

里有同想聖哲遘艱迍每喜演爻象譙定師弟間吾道繫
消長至今一瓣香光燄騰萬丈小子爾何知茹古心怏怏
翹企鈞深堂振衣莫由上

酆都縣戲題

煉丹福地此嵯峨下界無如上界何若論神仙官府事韓
擒祇願作閻羅

荒唐談鬼笑靈巫劍樹刀山果有無莫是世途機太險反
將地獄號平都

忠州訪荔支園故址

依依花柳渺難攀挂策秋林帶暝還挨戶醉頭燒酒熱更

無人酹白香山

屏風山謁陸忠宣公墓

唐室蒙塵一再存中興制誥尙堪論空教蘇軾常垂鑑早
有陽城爲叩關劍外衣冠墳七尺山東父老淚雙痕吳蒙
自幸生同郡萬里來招逐客魂

博望灘

漢使尋河源假塗走江峽曾此覆其檣魚腹經一劫至今
濁浪飛作堆浪勢撼山山扇開舟人放膽不敢渡恐有蛟
鰐掀春雷獨不見支磯石畔銀河落天上會容容星託歸
來笑語嚴君平風波畢竟人間惡

巴峽

上游一寸雨下游一丈水峽形戶呀開宵漲濯其裏譬若
臨之江觀濤八月底龍精夾兩厓中蹙海潮起同此三折
流下注勢尤駛我昨初維舟打椿在沙背曉揭黃篋蓬層
巔忽前時何處秋汎發一夕來匯此怒龍飛木末鼓漬礫
石齒駕馬趁初陽宕渠浩瀾瀾

石柱司弔秦良玉

西州女子領雄師威切宸章拜賜時奮史功臣修有表弓
太幼婦織成詞中原妖祲黃巾盛邊徼奇軍白桿支一樣
左家好名字下游觀望魏鬚眉

鹽井

吳鹽產自東海邊半盆祇仗鑿司賢淮揚千里半斥鹵暑
霜春雪滿陌阡蜀鹽乃復從井出開井之法神工傳架木
懸杵衆夫拽積年一孔擣及淵井脈深須百丈直井口隘
僅兩拱圓駕牛遶井轆轤轉長筒下吸粗如椽分槽引水
入釜底磊磊大塊熬作甌其旁更有瀾洑在或油或火相
毗連火井燄烈騰而上油井臭惡腥且羶煮之不用薪與
炭朝夕摺摺喧青烟開井何難煮何易利藪所在成市廛
筭禁不如海疆密反覺梟徒皆帖然我昨黔山訪米剎羅
永庵內流涓涓此洞若果常不竭刀耕火耨可舍旃今來

胸臆見鹽井細詢鑛戶喜欲顛民生所急在鹽米粒食火
食庶不偏烏蠻蠹蠹鮮知味口舌枯淡腸胃堅茹毛飲血
習成俗天心久爲邊閭憐特向重泉弄狡獪俾得取給如
海暎山深頗能絕私販水至不患漂鹹田從此窮荒變沃
壤中原雁戶紛來遷我家食指八九口巧炊無術恆憂煎
爾耕爾鑿抑何樂詎知世上愁艱鮮湖湘淮漢正災歉急
須仰食東西川惠分餘產及鄰郡豈獨一斛充庖簋日看
楚商收糴去峽底打鼓開江船

襄西訪少陵草堂

西閣東屯舊掩扉飢吟心事未嫌非許身稷契村夫子揮

涕風塵老布衣一柄長纓公有託萬間廣廈我何依錦袍
何似騎鯨客千古江樓逸興飛

夔府雜詩

魚復洲邊繫纜孤周遭濃翠合岷巫斷腸猿狖三聲淚變
色風雲入陣圖關吏稅肥嚴守鑰埃兵烽靖醉眠壚下游
吳會今無事王濬還宜訓舳艫

杜宇聲聲逼耳聞蒼茫古意落邊垠錦江宵漲衝城響玉
壘秋陰匝地熏蜀漢君臣祠下柏楚王父子夢中雲無端
迸入詞人恨高唱已飮弔夕醺

山樓風颭酒旗偏帶暝登臨思渺然燈影暗收嵐氣溼浪

花喧挾市聲顛荆吳斛轉千艘米瀾汨嵯騰萬井煙自是
益州天府地行商游宦輒流連

西來秋色接褒斜擁鼻吟成興愈賒三疊漫歌荒驛柳兩
開深負故園花霜前鼓角千家郭峽底星河八月槎惆悵
杜陵懷彩筆暮年詩賦滯天涯

蠻營竹枝詞

蠻營妓館名多在渝夔對江間

春至鴛鴦爭避水秋來翡翠暖依山浮家莫笑妾無定總
在巫雲十二間

望郎妾如江上石棄妾郎如江上潮顛風三日斷郎渡隔

著對城江一條

浪裏驚看萍泛跡林梢愁見柳吹絲來時何緩去何速郎
似門前上峽船

永安宮懷古

駐蹕空山氣鬱森
虎亭東敗恨何深
錦城猶望全師返
玉殿偏教顧命臨
六尺貌孤高帝脈
三分炎祚老臣心
銅臺一樣傳遺詔
未見英雄淚滿襟

白帝城寫望

壞堞翳秋荆登臨夕照明
臥龍祠屋古躍馬陳雲平
江納青衣水峯連赤岬城桓公憑弔處俯聽暮笳鳴

灇澗堆

驚濤臨峽門銀潢半空吐巨石屹中央衝激浩千古旋渦
陷如坑倒灌河伯府六丁驅怒雷鞭起靈虬舞掀石石不
動劈水成雙股戔戔萬斛舟速若箭離弣直射下關城中
的視茲祖三老自矜能性命與之賈及石始旁折得毋太
莽鹵忠信吾何有輕身涉險阻行坐戒垂堂笑殺守財虜

瞿塘雙厓

終古蛟龍窟巴渠壯此門濤聲搖地軸石氣肅天閭陰木
蟠厓塾晴曦照井昏始知神禹績疏鑿果留痕

虎鬚灘

叱爾山中王渴飲出林岫何年化成石蹲此瞿塘右森森
鬚戟張猱威懾百獸適臨龍所宮兩雄怒奔湊激起鱗之
而爪牙奮相鬪萬古會風雲掀天作雷吼夏漲莫敢撓哮
闕狂若驟我來撩其鬚十月馴伏候飲羽技不神入穴步
能走留爲他日談變色下洪溜

巫山縣

東川此門戶小邑勢全收危堞峰三面通衢峽兩頭天容
常若夜地氣祗宜秋指點高唐觀雲華處處愁

神女廟

風送神鴉返迷離斷峽頭臺荒鎖雲雨山靜掩篴篥妙賦

騷留裔高邱夢入愁嬋娟有遺恨遙睇楚宮秋

巫峽

水勢高建瓴峽形深入甕百里下鎖江晝行者宵夢奇殭
面削爪樹根著無孔下翳氣陰森人鬼一途共嶠夔所巢
窟船石相磨礪耳後起蟄雷砭厖舵尾送攪入邪許聲萬
竅應成閬侮人多巨猿瞑泊輒擲弄投石千仞上蓬背力
能洞相戒乘夕陽爭避出山縫迴瞰十二峯宿雲互如凍
水經注載望帝相繼令鑿通巫峽功不在禹下惜無
好事者俎豆之故弔以詩

故國何堪問蜀門孟涂分續此留痕君臣同抱千秋恨啼

卷五
盡空山杜宇魂

棺材峽

王喬昔仙去玉棺降自天地師推郭璞棺掩中冷泉何人
營渴葬厝此層厓巔擲空臺千仞猿鳥難飛跽不知引柩
日長縛何從牽或云無支祁有子亂靈淵同律不能制擲
死庚辰鞭水母斂凶骨石槨藏千年此語出齊野俗口頗
相沿遺制似通替暴露蓋半偏蛤釘與蜃炭灰劫隨雲烟
惟羨此中人終古長安眠彼戔車馬境斷斷爭墓田

巴東縣

小邑懸厓上人烟一抹橫截灘聊作戶守土不須城絕磴

採樵路寒墟搗練聲雲安行已盡猶有杜鵑鳴

秋風亭懷寇萊公

可惜澶淵應變才偏教遷謫到江隈
苦衷難向讒人白豪舉能爲老婢裁
驛路竹枝猶解擗神筵蠟淚自成堆
傷心南渡諸名將孤注無從擲一回

歸州

南郡淒涼地冥冥叫于規寒屋催日短
亂石驚城歆拾鏃孫劉壘傳芭屈宋祠
何人攜斗酒來唱郢中詞

兵書峽

武鄉不善兵陳壽筆諸史安肯誤
後人韜畧談滿紙如何

危峽上靈笈競遙指謂有握奇經千秋永度此我昨白帝
城八陣訪遺壘沙磧鎖風雲滾滾走江水今復睇層崖怪
事益難揣金滕或可開玉鈐何足侈運用在一心神算有
微旨趙括讀父書資恨長平死

新灘

一名新崩灘漁洋山人分爲二謂一在巴峽之關
余歷詢川船三老皆祇知有一灘灘在兵書峽口
有南北兩槽古名龍門官漕中峙雞心一石爲峽
江首險一歲壞船以百數土人利之據若肥產有
欲開鑿者輒百法阻撓近設一司馬專轄之于是

水甲水摸託名在官強梁滋甚行旅過之畏如盜
藪焉附誌數語以冀當事一聞耳

初崩在炎漢再崩在弱晉有明嘉靖年龍起夜一震遂令
沸水底崩石森成陣官漕雙溜惡塞墟三級峻舟行莽突
衝剗腹背出及舵師怯所經隔宿先戒慎舟尾繫雙竿懸
厓倒牽引絞石石稜挫火星亂飛燼審定陡放行一擲不
逾瞬浪駕樓千層渦躍井九仍恍推霹靂車風雨共神迅
前舟望無蹤後舟始追趁猶恐避不及兩舟或騰躡我時
豫登陸駭此川塗進舌橋不能下股栗強相鎮勢撼嶺石
搖壓焉僑將殉

牛舟集卷五
下灘船破人物蕩然幸先在輦一身僅存驚定作詩
歎見風檣逐浪摧無多行李奪難回書生共說貧如洗只
我今朝洗過來

百條生命一條存哀絕江頭淚暗吞不道酬神前夜酒滿
船轟飲盡殘魂

最惜詩囊手自刪半生搜幹鬢成班苦吟偏觸陽侯忌不
許長留天地間

飄蓬身世復何之淒切鄰船附載時祇是歸裝無一物入
門未免駭孀慈

空舸峽

險踰新崩灘陡下射洪磧鷁首昂然臨闖出峽門窄仄楫
如翅張浪頭飛拍拍疊石阻當流鼎峙波臣宅埵竈古所
稱餘燼義難釋改名戒行船懲此三珠石楚艫與吳艫
裝多滯役分運賃小舠梭織渡沙脊或募土灘師呼之作
將伯迸命放一漈墮苦飄無跡所以阱獲愁行旅多跼蹐
我隳靡子遺來此憂轉釋空空下空船江神皆辟易

自龍鬚沱喚小艇重返歸州作

秭歸百里程天險屹千古吾何捨一生重來駕輕舫奇勝
紛迎睍眄之若無覩習知三峽間危途首堪數山勢蚩尤
旗難聲塗毒鼓列仗森鉤陳星羅滿水府覆轍悼前經攜

展悵新阻游興逐驚魂招之迷處所禱神無靈祠點鬼有
冥簿終恐一葦杭漩入輪迴苦

再上新灘

一船誤放泥粉碎逐波練一船銜尾來柁折入迴漩落後
又一船覆若奔而駁三船呼吸間樓櫓不存片惟聞號救
聲倉黃滿江面却有救生船一葉去如箭鼻沒浪打頭中
流倏不見可憐從井仁亦復遭鬼譴此吾昨所經再至色
猶變譬如兵燹場宿將話前戰徧體撫瘡痍心膽有餘顫
岸民無用耕旁掠以爲膳來船日隘沈溺多不遑援遺患
曾幾人存活返鄉縣我獨去復回仰天淚如霰

贈歸州刺史劉鴻庚

談士羣相告憐才此有人夜闌投刺急境迫膾詩眞醇味
千觴酒溫情一榻春耒陽逢地主杜老正沈淪

旅感

驚弦困翼遠投林弔影風前淚滿襟此日雄心隨路盡連
宵噩夢落江沈事無可奈惟求醉詩不能忘尙補吟祇恨
鄉關天共遠歲闌東望結窮陰

屈沱謁三閭大夫廟

湘纍千古恨嗚咽楚江聲芳草有時歇憤流何日平故居
三戶在遺祀九歌迎歧路誰憑弔投書感賈生

廟後一龕祀女嬃碑稱清烈夫人謂是靈均之室
不學可笑姑證以詩

霜碁催倦客辨古入支祠莫解當時言空滋後世疑孤臣
葬魚腹衆女妬蛾眉爲採椒蘭薦何須怨菰莼

香溪訪明妃故里

生小葦蘿裏絨芳初去時和我君有策出塞妾何詞顰態
嗔村女啼粧誤畫師最憐青冢月猶照楚江湄

再下新灘

我生不免溺人笑如此險塗再三蹈祇聞山賊乘人危枉
聘灘師作鄉導前駕大船觸石沈今復小船當石臨放船

大小異趨避最防一石衝雞心凜凜峽行守語忌紛紛魚
腹葬無地他年誓鑿此石平敢告山神無怒睨嗚呼除患
力弗振生還幸荷天赦仁迴首三重風浪裏龍門放過一
詩人

蝦蟆碚

暝經扇子峽打鼓收江船荆門十二碛礫砢排當舷蝦蟆
九突出肖形何蠢然爬沙手脚鈍無緣上青天迴身竄下
界含怒臨重淵雨腥林氣濕石墜苔髮纏窪窪出懸溜口
吻鳴濺濺名亞康王谷云是第四泉宋賢一驚茗爐銚紛
來煎却惜敍匏背硬筆無留鐫所以焚岡禍殃及無人憐

嘉慶中楚商李本忠灌以井油而焚之盡去十之二我來適殘夜登陟防趾顛坐觀峽月上流影翻波圓朶頤不敢蝕喜殺盧玉川

南津關舟次

水窗聽盡子規啼小泊夷陵古郡西得氣草蟲緣岸上無依海燕入林棲人來異域何嫌陋山近中原漸肯低珍重吟身猶健在不堪回首憶鴻泥

三遊洞

始遊者三是某某白傅兄弟及元九繼起三遊出一門蘇家父子眉山叟唐碑宋碣巍然存費我摩挲千載後西陵峽前樹鬱紛洞竅倒吸牢溪雲天鐘地鼓爲誰設卻有奇

巖空中聞如此烟霞夙所仰挽舟招我逆流上倘教豪興
輸古人吟料何由落吾掌予身惟與猿鳥親剋苦別蘇題
嶙峋拍手僧堂呼月起居然對影成三人

彝關

天上落扁舟東馳抵峽州地初開曠宇水漸放平流遺火
秦兵壘長風楚塞樓卻聞葭莢外雁戶滿中洲

至喜亭下作

離師欣作賀從此衆難低釀飲爭沽酒酬神謹磔雞香緣
僧領募吉語客留題闌夜謀歡罷孤情倍慘悽

峽船謠

上灘打鼓下灘打鑼小船失措大船奈何 船下夔府水
奔峽州一半東注一半西流 夏峽汎水一漩一船冬峽
枯水一石一船 前船已矣後船繼之船船相踵振古及
茲 誰恃忠信誰仗神靈完船出峽今生再生

宜河道中

上牢關接下牢關過眼林墟渺莫攀羊角洲荒留有磧虎
牙戍重扼無山蠻天雨凍晴嵐外江路沙明夕照間如此
征途多滯跡愁看衡嶺雁南還

枝江縣

上明城畔路古亦號丹陽忽憶故鄉遠爲添羈思長秋陰

沈大野水氣汨空荒祗恐多歧誤孤舟接混茫

松滋縣

蘆碕荻渚遠蒼茫埤垠孤城水一方
隰市滿江魚減價層陰匝地雁驚行
衝殘岸缺成支港退去潮痕在女牆
此邑原因流戶集傷心重見晉咸康

江陵書感

上游形勢渺愁予縱酒狂歌對碧虛
秋到清宮惟苦雨潮墜息壤不歸墟
古人未免成邱貉名士何從訪鯽魚
賦韻登樓無限恨秦川公子倦游餘

沙市

危隄障一城驅譙低可俯撲地起炊煙蜃氣相吞吐云是
古荊州雄勝擅中土沙水震蕩之遺跡不堪撫惟思江上
潮曾搖白衣櫓各懷報主心吳蒙亦神武所惜二國歡盟
敗劉郎浦古人恨常留過客意尤苦戍火出兜零濤聲如
戰鼓

除夕

每逢佳節倍思親摩詰新詩意最真屈指歸程行半載依
然萬里未歸人

荊江舟行雜詩

廿四幫船號舫舫幾幫安穩出歸州枳床梢架全收起只

用長招付掌頭

峽江之險全在歸州一歲銅鉛十運及商旅壞船者以百數我幫二十四船沈失五

船峽中船具王用所敘多未詳盡以余所見船頭暨駕者日梢船腰橫駕者日枳一梢八枳皆以合抱巨木爲之遇泡漩猶斷若摧枯至宜昌始用帆檣惟船頭仍用一巨木末作刀形名曰招掌頭見少陵詩註

梢漬撇漩八寬過換去橈夫滿百多一樣噪聲齊作號蜀

江礁殺楚江和

凡遇險難恐橈夫畏縮必犒以錢名曰打寬自重慶以下如臺盤子折尾子廟磯子

牛口入斗金盤磯新灘空船峽八灘爲最險例打八寬硤船大者用橈夫百人次用四五十人出峽後只用十餘人矣

隄工防潦逐年開撒米中流日幾回拋蕩渡梁驚未定何

堪鐵板擁沙來

近歲江沙日長江水日淺隄堰亦日高以致川江漲發不能宜洩汜濫四溢下游鄂

鄂諸郡邑恆被水淹幾與黃河沙患同沙堆從江底突起者名曰泡沙沙片從江面擁至者名曰鐵板沙舟遇之輒

膠而陷惟投以米始徐徐退去此不知何故然法甚靈驗
試之輒應峽船被鼓潰水逼上石者謂之滾梁被迴溜水
轉入漩者謂之拋蕩

郢都東畔水連天浩渺平流路一千卻恐迷津無處問指
南須仗引洪船荆江關五六里而水極平淺積沙中梗朝
東暮西變遷無定行船往往淤阻必喚漁
船爲前導名曰引洪然漁人亦祇知其
近處遠則迷於所向故須隨地易之

公安道中

漫說寒江漲已平荆隄猶混水天明林梢簇簇枯維艇屋
脊鱗鱗溼露城雕面成羣馳惡少鳩形到處泣飢僮何堪
夜半蓬窗冷起看犁星吐左槍

烏堆灘

入蜀此灘頭出蜀此灘尾灘頭行客愁灘尾行客喜荆河
千里流邈迤衍沙觜忽見石巉巖猶與蜀江似譬如弩末
強餘力已全弛我從蜀中來幾作汨羅死迴看上峽船百
丈拽方始人生順逆間大造默驅使莫便慶再生呼伴酒
頻醒明發大江東魚龍渺烟水

石首縣守風

南風兩頭走北風兩頭守

二語石首俚語

上下駛檣烏行船過石

首自經郝穴水愈平搶風一帆欹側行江豚拜浪出相送
催我百濮投荒城忽爾寒陽淡無色三日毗嵐吹不息濤
頭恍載靈物嬉墨雲翳若垂天翼蓬窗四閉時刮開奇寒

中人親酒杯打魚卻羨榜人穩一葉江心去復回

洞庭湖口

遠勢荆門落偏從闊處收江湖歸一派清濁界雙流網起
銀鱸躍檣眠鐵鹿浮三朝復三暮風色迴含愁

岳州

水光空處放帆回重聽巖城暮角哀梧野青垂天一角巴
邱白捲浪千堆雨餘沙狗迎潮出風起江稀逐舵來却好
湘君如舊識烟鬟爲我特吹開

神鴉曲

前相呼後相逐神鴉一陣繞檣木舟子祀神波及鴉高擲

空中餉以肉云是湖神部下兵成羣攫食君山曲嗟爾神
鴉得所依奈逢苦歲行旅稀湖神三月無人祀看爾飢隨
澤雁飛

二喬墓

姊妹花開蝶正飛一抔黃土認依稀江東豈少埋香地卻
近媧宮伴二妃

垓下沈埋五百春猗兒崛起運重新芳魂不化青青草莫
道虞兮有替人

同穴休嫌豔魄孤珠襦玉匣掩平蕪君臣一樣爲僚婿誰
向長陵弔呂嫪

棠梨依舊笑東風猶在曹瞞冶想中若果銅臺春鎖住何
顏雞酒祭橋公

簫洲書所見

千里村墟逐浪奔人烟此處慘猶存水禽爭食墮殘骸岸
草留殘戀餓魂船販女娃開估市繩牽乳犢集屠門心腸
任爾堅如鐵應亦肥甘減夕飡

舟抵武昌

撲地聞聞半就頽傷心重到鴛鴦磯隈江魚亂逐浮屍下水
鳥橫衝過客來汙口濤聲風作陣礮頭山氣霧成堆災黎
何事關情切我亦龍宮倖脫回

喜晤宋文 翔鳳

經舍著書暇出官湘水秋三吳老名士百里小諸侯餘子
孰青眼是翁猶黑頭因何勞駕楫頻渡漢江流

登黃鶴樓感賦

昔過黃鶴樓風利不得泊揮手謝仙人請俟三年約今果
岷巫來當樓片帆落結束雙芒屨踟步踐前諾是時歲始
春人烟轉彫索天吳甫斂威祝融復肆虐水火迭降殃景
物迴非昨可憐十萬塵蠕動聚林薄雨載水滔滔生命半
溝壑戊歲水淹漢陽門七尺餘已歲則竟踰城矣可憐十萬艘鱗次排桅紮一
夕火炎炎游魂盡湯鑊樓下塘角泊舟如蠟冬月十八日焚燒殆盡人死不能計數迄今兩

月餘江面殘
骸未盡也

我如樓上仙御風駕歸鶴閱世追丁蘇撫舊

悲城郭岸改塵海環江失舟市絡斯樓天地中鎚碎亦何
愕地勝劫留灰民瘼醫待藥塗炭共爾憐衽席究誰託況
茲歲饘憂適當客游惡酸笛斷遠吹濁醪傾憤酌題壁縱
狂言我何古人弱

桃花夫人廟

盡到新聲淚幾行未亡人在息先亡羞他花蕊深官裏偷
畫張仙祀蜀王

黃鵠曲

田水白泱泱枯蘆立泥淖飢雀繞蘆飛中田遇黃鵠黃鵠

奮翅翬上天下見城郭荒江邊沈沈水府生人烟忽聽臨
風吹箴策紅旗淋雨城頭出嗚呼救荒乃用兵盜竿孰敢
來近城殘年安堵幸無恐奈此雁戶方哀鳴

登大別山寫望

導漢由嶧豕朝宗匯此墟西沌輸灌處陵谷變遷餘鎖鑰
三江固風雲百戰虛憑高思禹德未免歎其魚

得滇信聞林師因病謝政

輕裘緩帶足風流羣地牙旗萬里收詎是行邊躬易瘁

昨春

巡閱黔疆

正如醫國藥難投名山待振千秋業

公許於歸田後以詩

文寄

示重鎮粗安八督州遙想歸轅攀不住五華山色亦含

愁

舟泊漢陽一月觸目悲來雜成六絕

翼際山前走怒瀧魚龍負氣未全降驚看城上行舟路危
堞猶存繫纜椿

萬商輜重比星稠菜色何堪總似秋猶有笙歌宵半起此
間原號小蘇州

後湖多少好樓臺塋聚流亡垤萬堆掘盡枯荻成赤土游
人還說踏青來

裙屐晴嬉野外春酒傭留飲草棚新漫云烟火經時斷市
上而今有醉人

佛界無端歎陸沈
歸元寺裏幾行吟
江潮浴出阿羅漢
五
百裝嚴盡退金

發棠誰不憶前秋
路畔黔敖粥一甌
惜我鄰疆囊米至
都
如角黍擲洪流

赤鼻山下夜泊

我愛黃州守風流
玉局仙名山三赤壁
畫舫兩青蓮
月
色
仍良夜江聲自昔年
伊誰復高唱屬和洞簫邊

蘄州書感

秋情曾共柳依依
詎料重來景盡非
獵獵野風吹短鬢
荒
斜日上征衣
驛嗟淖阻船通騎
漁舍人空浪拍鼻
畢竟

稻梁何處足飢鴻祇望隔江飛

道士泐

舟下黃州城川陸兩平行百里見巉崖烟樹莽峭嶮岷流
若痺蛇中腰當楚甸突起鎮巖巖橫障江半面昔人劃鴻
溝南北幾水戰天險扼至今山埃戍兵弁其下走風雷色
共旌旗變海濞檄防邊艦師亦雄選英思入我懷蒼茫此
長眇斜出積布圻迤東勢相偃巉礧森利鉞雪濤互飛練
迴聽吹角聲江雲黯如澌

卽目

三五漁舟佈陣開鳴榔聲裏勢喧庭浪花飛捲腥風急喜

見鯨鯢起汕來

舟中望匡廬

溼翠撲江船迷濛九疊屏雨涵溢浦白雲接皖山青古社
名僧塔幽棲處土星羨他蘇玉局眞箇叩巖扃

江州

萬里奔濤一葉舟大雷前岸小勾留歸來適過陶潛宅興
發還登庾亮樓飛鳥迎人如舊識荒蘆匝地起新愁借風
爲向江神禱送我蒲帆十幅抽

琵琶亭下作

昔讀白傳潯陽篇興發欲泛潯陽船今果乘風江上至快

酬宿願三十年琵琶亭子屹然在詩魂酒魂何處邊但見
城郭淨如畫斜陽一抹蓮窗前滄浦迢迢歇秋雨柴桑脈
脈升井煙匡廬倒影浴江水翻出九派青娟娟櫓風沐雨
露眞面雲中五老仙平仙登高曠覽忽失笑古人所見無
乃偏領此佳郡歎淪謫宦游何地方欣然忠州花柳詎勝
此乃招巴樂開妓筵戀戀杭州亦復爾吳娘一曲情纏綿
何獨江州慘無憐坐對商婦雙淚漣三州我各訪游跡窟
窩豈必分媿妍始知古人興所觸眼前景物皆蹄筌偶焉
酒悲亦至性後人奚用加言詮我生蜉蝣一旦暮風流安
得相後先一塵出守無此福萬里行邁誰相牽擬向江山

作地主青衫慘黯難留連今夜歸帆泊沙際萍飄梗斷強
自憐鄰舫淒淒江月白岸燈閃閃春風顛山歌村笛聲四
絕況思纖手鳴么絃詩成姑俟老姬解重與半格翻新編
彭澤縣

潁江古名邑九派下通津跨嶺城圍堞什市列闔隱無
容滕地官有折腰人種秫沿成俗家家甕釀春

舟過馬當山

王子賦詩去沈水我今脫水來賦詩餘生不恥居王後祇
恐山神爾未知

潛水口紀事

朝發潯陽江駛行三百里帶暝投皖城土囊風怒起巨浪
打柁樓掀空若山峙赴赴黃帽郎帆楫猛難使我舟幸臨
港膠碇陷沙觜伏作蘆中人驚面猶灰死駭絕衆郊船箭
筈收不止萬斛如羽輕騰踔颶輪裏飄簸入中流葦渡亂
羣蟻慈救苦無航彼岸迷所指向曉天霽威恬波平若砥
礪見半段檣斷桅滿中汜

酬張太守 應雲

昔披鐵襴襠斫陳赴前仗今撥銅琶琶臨江發高唱十年
搏沙聚幾回春風一笑揚帆來皖公山色喜相逐晴翠卻
逐君顏開走俘貽我囊中句昨事重提甬江路墨瀋難消

海氣昏筆花猶帶軍容怒我去將經舊戰場蕭蕭襖被渡
錢塘蟹船飄忽蜃樓幻請把君詩弔國殤

偕程生游四照園

康濟門邊路曲環何人別墅在城灣雨添池水延鷗至風
約林香引蝶還籬畔栽花依雉堞窗間讀畫看龍山嬉春
莫道渾無賴消得羈情半晌閒

漫興

久泊潛陽岸樓船似陸居宵眠多警犬時食換新魚風信
吹將盡潮期至不虛獨教游子跡留滯兩旬餘

贈宋丈

來鳳

大宋鄂渚邊小宋測江上我乘千里流邂逅兩尊文盛年
挾策爭先鞭揮手一別成華顛戔戔官舫兩頭至卻供我
輩相流連水窗一甌共茗話飲君學如江九派沐日浴月
百寶生筆底波濤走靈怪竭來浪跡無好懷一曲祥琴聲
未諧宰相梅花尚書杏春風遲蹋長安街我自遐陬倦游
返東望白雲親舍遠明發帆檣有去留相期努力加餐飯
荻港月夜

宵征不藉風帆利有月當空皓無際水天混合兩生明萬
頃滄波一萍寄四山如睡雲氣沈沈輪湧出江中心恍惚
驪珠夜光吐羣鱗浴浪翻彩金此時塵翳無著處掠舟只

有鶴飛渡廣寒宮
闕杳莫攀夢逐江妃
颺波去

蕪湖游鄧園遇石巖英因贈

勞燕忽相值東西如有期
見時忘姓字揖罷認鬚眉
花木寓公舍絃匏耆宿帷
十年重一面他日憶鳩茲

嶼磯孫夫人祠

片石江干奠繡甍
依稀步障舊珠明
慟餘靈澤歸無妹
借去荊州館有甥
身殉難消家國恨
師婚早誤蜀吳盟
劉郎浦下東流水
直到祠門不肯平

天門山風阻

夏夏拽滿帆
駕馬下江潯
快茲順水流
中溜忽危阻
颶母

來海溟攪空赫斯怒統統驅春雷擺蕩淵客府震起渴睡
龍倒喫一江雨眩目掣金蛇燦光射樓櫓同侶暈滿船狼
藉紛嘔吐呼佛亂羣聲膜掌頻拜俯險難我慣經談笑屢
鎮撫幸生得至今何畏箕伯侮三日浪甫平新潮漲尺五
牛渚舟行

沙磧白鄰鄰西江暝色新飽風帆十幅邀月酒三巡高詠
官袍客竄潛赤幘人青山饒古趣停楫負良辰

駐馬河

俗名芝蔴河

末路數英雄其如烏江口臨風莫憤王重傾垓下酒想王
駐馬初執策躊躇久父老媿江東王氣復何有亭長亦奇

流頻爾藏舟守脫手贈烏騅請絕渡江走遺一留至今陰
火颯林藪神騎夜悲嘶聲挾怒濤吼誰知逐鹿人戰骨同
一朽勝廣淅嗚狐韓彭慘烹狗莫自歎天亡西郊哭鬼母

喜題

觀止田家樂江行得未曾晴簷喧社鼓宵市亂春燈釀熟
簸千甕香吹麥滿塍卻聞新搗輯編戶比前增

金陵雜感

勝魚天氣悄停橈大小長干舊路遙萬里人歸塵滿髯春
風吹上石城橋

惆悵秦淮宿漲渾六朝金粉洗猶存墜歡難認三生跡酒

漬青衫雜淚痕

激激波紋鏡樣鋪
莫愁餘韻怨靡蕪
一堤圍住銷魂水不
放流紅到別湖

釵叢重入嬾低徊
花月蠻中一笑回
畢竟風懷消不得
自攜桃葉渡江來

半臂涼添淺醉餘
晚潮時候上燈初
四門風起楊花亂
蕩得春愁水不如

丁簾亞檻記綢繆
惱殺西風十度游
多感呢喃雙燕語
祇宜春至不宜秋

運鉛船

余在峽江擬作鉛船雜事詩日所訪聞夜輒成詠
頗資當事采覽繼在新崩灘失其稿遂興敗不復
吟今抵瓜洲將與鉛船分道而行姑補一詩聊存
崖畧云爾

京師鑄錢須用鉛鉛船萬里來窮邊三百八灘放出峽七
十二牖挽上天一年四運有成例前運後運迭相繼給發
運銀萬八千製造運船二十四運官領運無休假船丁詢
詢吁可怕幸得平安官可升脫遇風波罰無赦往往天津
去拆船變賣還須補鉛價農部收鉛京局中鎔鉛入銅爐
火紅鑄出鉛錢輪郭劣殺鍊取鉛將毋同嗚呼錢政何由

壞銅廠百弊言難終試上鉛船點鉛數何如六運滇南銅

京口

江帆南轉處鐵甕古城存船乍收平港人如覩里門殘廛
兵甕跡斷堰海潮痕行役三年返重從去日論

丹陽道中

短堠長亭下潤州按程催發不停留每嫌橋至桅多礙恰
喜潮來牖放流耳熟漸聞鄉語輒心寬倍覺水聲柔漫言
連歲收無粒猶見糧艘擠滿洲

許墅關

咫尺望閭門歸心如火速奈隔許墅關淹此一宵宿我裝

薄可憐關吏猶注目呼僕送青錢揮手還叱辱謂我蜀中
回應攜米多斛啾啾來勘船窮搜若推鞠夙聞救水災免
稅招販鬻自當源源來汎舟踵相續何以米價高鄰糴猶
畏縮道旁逢巨商含憤爲我告免稅沐 皇仁私稅苦吏
毒曾激內諫官慷慨陳奏牘畢竟弊難除筦榷倍殘酷所
以歲薦饑莫敢輸之粟我聽此言悲仰天頻蹙蹙發聲振
急需征商課嚴督時事我何知還家歎齋粥

白題南游小草卽示故園諸子

天教匹馬走窮邊收拾雲山入一鞭奇句終慚李昌谷罪
言休比杜樊川百蠻情態鬼盈紙萬里瘡痍淚滿船莫怪

陽侯全奪去歸裝長物此殘編

蠲振謠

飢戶一簞粥蠲戶百石穀朝聞飢戶號暮聞蠲戶哭城中
派蠲何擾擾城外發振何草草堂堂坐者顧而嘻盡瘁民
依心可表心可表情弗矜蠲戶含咽賣田產飢戶寒骨填
溝塍明年荒政敘勞績拜章入奏官高升